



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

ԹԻԻ 64

ՊԱՇՏՕՆԱԿԱՆ ՀՐԱՏԱՐԱԿՈՒԹԻՒՆ ԱԶԳԱՅԻՆ ՊԱՏՐԻԱՐԿԱՐԱՆԻ

ԱՏԵՆԱԳՐՈՒԹԻՒՆՔ

Ա.Ա.Գ.Ա.ՅԻՆ

ԵՐԵՍՓՈՒՄԱՆԱԿԱՆ ԸՆԴՀ. ԺՈՂՈՎՈՅ

ԲԱՅՈՒՄ 1870 ԱՄԻՆ

ՆԻՍՅ Վ.Ա.ԹՍՈՒՆԸՉՈՐՅԵՐՐՈՐԴ

3 ՕԳՈՍՏՈՍ 1873



ԿՈՍՏԱՆԴՆՈՒՊՈԼԻՍ

ՏՊԱԳՐՈՒԹԻՒՆ Յ. ՄԻԻԼԷՆՏԻՍԵԱՆ

— 1873 —



Յոյս ունիմ որ բնաւ անպատեհ միջամտութիւն կամ ցոյց մը տեղի չը պիտի ունենայ որով և ես չը պիտի պարտաւորիմ Պատկառելի ժողովոյդ կողմանէ ինձ տրուած իշխանութիւնը անաշտապէս ՚ի գործ դնել ատենը գոցելով : Արջապէս մեր սիրելի ազգն այսօր պիտի հանգիսանայ ուրիշ ազգաց առջև իրեն խոհեմութեամբը , կենցաղագիտութեամբը ու օրինասիրութեամբը . պէտք է ուրեմն որ այս շքեազ յատկութեանցը իրօք ապացոյցները տայ այսօր :

Ատենապետ էՖ . Վարչութեան Քաղաքական ժողովոյն կողմէն ալ յայսօր հրատարագիր մը եկած ըլլալը ծանուցանելով կարգաց զայն :

Ահաւասիկ պատճէնը .

Վսեմափայլ Ատենապետ էՖէնտի  
և Մեծաշուք Երեսփոխան էՖէնտիներ :

Ազգային Վարչութեան Քաղաքական ժողովս Պատկառելի ժողովոյդ ընտրութեամբը պաշտօնի կոչուած օրէն , ըստ պարտաւորութեան իւրում ուղեցոյց ունեցաւ ազգային Սահմանադրութիւնը , զոր արդէն վերաքննեալ քանի մը մասանց համաձայն ճշդիւ գործադրել ձեռնարկեց , եւ պարտաւոր կը մնամք մեր խղճին առջև եթէ մեր փորձառութեամբը չը փութանք հաստատել եւ յայտարարել որ կեդրոնական Վարչութեան կողմէ եթէ կամք չը պակսի , Սահմանադրութիւնը կրնայ ճշդիւ գործադրուիլ , եւ ազգային գործոց բարւոք սնօրէնութեանը նպաստել :

Բայց միւս կողմանէ Վարչութիւնս իւր այս օրինական ընթացքին դէմ Ամենապատիւ Սրբազան Պատրիարք շօր ընդդիմութիւնը կը տեսնէր , եւ մինչդեռ Վարչութիւնս յարածամ կը յիշեցնէր թէ Սահմանադրութեան համաձայն պարտաւոր է վարել իւր պաշտօնը . նորին Սրբազանութիւնը կը յայտարարէր թէ՛ ըստ ամենայնի Սահմանադրութեան հետեւիլ անկարելի է , բայց այս անկարելութեան փաստ չկար , եւ չեղաւ այնպիսի նիստ մը , յորում Վարչութիւնը Սահմանադրութեան մէկ յօդուածն իր տայիք որոշմանը արդելք եղած տեսնէր : Իսկ Ամենապատիւ Սրբազան Պատրիարք Հայրն իր համոզման մէջ անդրդուելի կը կենար , եւ ան-

ձուկ վայրկեաններու մէջ Վարչութեան կը յայտարարէր թէ Պատրիարքը Վարչութեան որոշումներն ուղէնէ կը գործադրէ , թէ Պատրիարքը պարտական չէ վարչական ամեն գործ Վարչութեան իմացնել , թէ ինքն իր նախորդաց պէս չկրնար որոշեալ չափով դրամ առնուլ , եւն :

Երբ այս խօսքերը հետզհետէ իրողութեան կերպարանք առին , եւ երբ Ամենապատիւ Սրբազան Պատրիարքին ինքնին տնօրինած գործերը նկատողութեան առնելու կարգն եկաւ , եւ Վարչութեան որոշմանց՝ որ Սահմանադրութեան հակառակ չեն , գործադրութիւնն ընել Ս . Պատրիարքին պարտաւորութիւնն ըլլալը բացարձակապէս յայտարարուեցաւ , այն ատեն իրերը կերպարանափոխ եղան : Նորին Սրբազանութիւնն ոչ եւս իւր առաջին դիրքն ունէր , մինչև Վարչութեան անդամներ եւ Վարչութիւնն իսկ իրենց պաշտօնական դրից մէջ անարգուելու փորձեր եղան . հետեւաբար այլ եւս մեր պաշտօնավարութիւնն անկարելի եղաւ :

Աւստի կը պարտաւորինք հրատարիլ մեր պաշտօնէն , խոտանալով մեր համարատուութեան տեղեկագիրը քիչ օրէն ներկայացնել Ազգային ժողովոյդ ուշադրութեանը եւ քննութեանը , եւ այսուհետեւ պատասխանատուութենէ ինքզինքնիս ազատ համարելով , սոյն հրատարագիրս կը ներկայացնեմք Պատկառելի ժողովոյդ :

3 Օգոստոս 1873  
Ազգային Վարչութեան հրատարեալ  
Քաղ . ժողովոյ անդամքս

Սեփեթիմ Մանուկեան . Բարսեղ Հալաճեան  
Յովհաննէս Ճիւլաճեան . Քրիստոսոս Գալարսեան  
Ալիքան Խօրասանճեան . Ս . Պ . Պ . Փոփոզեան

Նոյնպէս Քաղաքական ժողովոյ Անդամ Կրճիկեան էՖ . ի կողմէն անցեալ շաբթու Սրբազան Պատրիարքին ուղարկուած և այսօր ընդհանուր ժողովոյ դիւանին յանձնուած մասնաւոր հրատարագիրն ալ կարդաց , որոյ պատճէնն ահաւասիկ .

Ամենապատիւ Սրբազան Հայր  
ժամանակէ մը ՚ի վեր Ազգային Վարչութեան Քաղաքական ժողովոյ մէջ ցաւալի անհամաձայնութիւն մը կը տիրէ . թէեւ սոյն

անհամաձայնութեան բարձման եւ անոր պատճառաց իսպառ անհետանալուն կը փափաքէի , սակայն իմ այս փափաքս ՚ի դերեւ ելաւ , եւ երթալով աւելի անհամաձայն վիճակի մը ենթարկեցաւ ժողովս :

Այս տեսնելով չէի կրնար չմիշել թէ Ազգային Պատկառելի Ընդհանուր ժողովոյ առջև պատասխանատուութեան անխուսափելի պարտաւորութիւն մը ունէի , որ իմ վրայ վստահութիւն յայտնելով՝ Քաղաքական ժողովոյ անդամակցութեան փափուկ պաշտօնին կոչելու պատիւն ըրած էր ինձ , նոյնպէս և չէի կրնար չմիշել թէ սոյն պաշտօնին պարտեաց կատարման մասին՝ Ազգին առջև բարոյական մեծ պատասխանատուութիւն մ'ալ կը կրէի , որք արդարեւ , խղճիս եւ զգացմանցս վրայ ծանրացած , զիս անկարող կրնեն այլ եւս այս պաշտօնը շարունակել :

Աւստի , ինդրեմ Սրբազան Հայր , ներկայ հրատարագիրս Պատկառելի Ընդհանուր ժողովոյ ատենին ներկայացնել բարեհաճեցէ՛ք , անոր յաջորդ նստին մէջ :

27 Յուլիս 1873  
Մնամ բարձր Սրբազանութեան ձեռում  
ամենախոնարհ ծառայ  
Յովհաննէս Կրճիկեան

Յետոյ Ատենապետ էՖ . յանուն ժողովոյն հրաւիրեց զՍրբազան Պատրիարքն իւր հրատարման պատճառները բացատրել : Եւ Սրբազան Պատրիարքը հետեւեալ բացատրութեան թուղթը կարդաց յատենի ժողովոյն :

Երեսփոխանք Հայոց

Այսօր իմ արձակման օրն է , կազուէմ որ թող տաք այս տաճարին մէջ , Հայոց Երեսփոխանութեան առաջ , մի քանի խօսք խօսիմ և արձակում խընդրեմ՝ այս ատենէն՝ որ 1869 թուոյն սեպտեմբեր 4 ին իւր քուէի ազատ ընտրութեամբ զիս կապեց և Տարօնէն վարեց մինչև ցայս վայր : Նոյն տարւոյ նոյն տարեւոր ամսոյ սկիզբը , Պոլսոյ Մայր Եկեղեցւոյ բեմին վրայ մեր գահակալութեան հանդէսն կատարուեցաւ , չ'զիտեմ կը յիշէք ոյն իմ Յաղկապարտի օրը ,

եւ խօսք տուի Ձեզ և ուխտեցի այսպէս ,  
« Երեսփոխանք և ժողովուրդք Հայոց , դուք զիս բաղում դժուարութեամբ յայս գահ բարձրացուցիք , կուխտեմ ահա յանդիման Ձեր , որ առանց աշխատութեան ես ինքնին կիջնամ այս գահէն » :  
Յարգանք համբուրելով համայն Ազգի կիկքը կրող Ձեր վճռագիրը , զի օրինք կապեցայ , կը փափայքիմ դարձեալ օրինք արձակիլ : Միայն սա կաղաչեմ , վասն փառաց Եկեղեցւոյ և Հայոց ազգին , խաղաղութեամբ կոչեցիք զիս , խաղաղութեամբ թողէք որ երթամ :

Այո՛ , մեծ ակնկալութեամբ ընտրեցիք զիս ու բերիք , գիտեմ , դժուարին է դիւրութեամբ թողուլ : Ինչ էր արդեօք Ձեր և հանուր Թուրքիոյ Հայոց ակնկալութիւնը : Ահաւասիկ , կակնկալէիք որ Խրիմեան Հայաստանեայց Եկեղեցւոյ փառք կը յաւելուր , կը յուսայիք թէ նա Եկեղեցւոյ պաշտօնէից աղաւաղ դրութիւնը կը վերանորոգէր , կը հաւատայիք որ նա անդադար քարոզելով , դպրոց , դաստիարակութիւն , լոյս ևն ազգային յառաջադիմութեան կառք կը վարէր և դէպ ՚ի իւր նպատակ կը տանէր թող այս , մեծ ակնկալութիւն մի ևս այն էր , թէ Խրիմեան իբրև Սահմանադրասէր Պատրիարք , նա ինքն ձեռնհաս պիտի լինի շուտ և արագապէս իւր արժուի թուելով Սահմանադրութիւն բառնալ և տանիլ սիւռել Հայոց աշխարհին վրայ , քաղաքացի և շինական , գիտուն և աւմիկ տահասարակ միահամուռ մկրտել , լուսաւորել և նոր Սահմանադրական ժողովուրդ կազմել : Առաւել քան զայսօրիկ ամենամեծ ակնկալութիւն գաւառացի ժողովրդոց այն էր , թէ Խրիմեան Պատրիարք եղաւ , ուրեմն աւետիս , պէտք է որ աղատուինք հարստահարութեան ամեն ճնշումներէ :

Չարմանքն այս է , որ ես էլ ճիշդ ձեզ նման կը հաւատայի , թէ կարող եմ այդ մեծամեծ հրաշքները գործել և ար

գիւնաւորութեամբ պատկել այդ նախա-  
 թուեալ մեծամեծ ակնկալութիւնը: Սորա  
 համար իմ սրտի զեղուն զգացմամբ և  
 անկշիռ երեւակայութեամբ չափեցի թէ  
 արդեօք Տարօն թողում, Վարդ թա-  
 զում, իմ այն փոքրիկ ազարակները,  
 յորս կաշխատէի և կը մխիթարուէի գոնէ  
 դուզնաքեայ փաստակօք, ու երթամ մեծն  
 Բիւզանդիոն Հայոց Պատրիարք լինիմ,  
 պիտի կարենամ ասկէ աւելի ազդին շա-  
 հաբեր լինիլ: Անկեղծաբար խոտոտլանե-  
 լով ես կը ճանաչէի զիս, թէ Պատրիար-  
 քութեան բարձր Աթոռին վայելուչ  
 յատկութիւններ չ'ունէի, ոչ իմաստու-  
 թեամբ, ոչ ուսումնականութեան հան-  
 ճարով, ոչ քաղաքագիտութեամբ, և ոչ  
 քանի մի լեզուաց հմտութեամբ: Այս  
 չափ տկարութեամբ հանդերձ, քաւ,  
 փառասիրութեան տենչանք մղեց զիս  
 յոյս պաշտօն, ոչ, այլ միայն Ազգին սէր  
 և հայրենեաց օգնելու եռանդն: Ինքնին  
 այս միայն կը մտաբերէի, թէ պահ մի  
 երթամ Պատրիարքութեան դահլին վերայ  
 կենամ, թերևս այդ իշխանութեան կեդ-  
 ռոնէն ձեռնհաս լինիմ դարման մի գըտ-  
 նել ու հայթայթել բազմակարօտ Ազգին,  
 իմ այս ասիկարութեան չափը նոյն իսկ  
 Երեսփոխանական ժողովոյ քաջ իսկ գի-  
 տէր, Խրիմեան իւր աչքէն անձանօթ  
 չէր, բայց չ'գիտեմ թէ ի՞նչ նպատակաւ,  
 դուցէ խաղաղութեան համար, պահ մի  
 ամիշեցաւ ու մոռացաւ Սահմանադրու-  
 թեան օրինադրած անժխտելի յատկու-  
 թիւնները և ընտրեց մարդ մի, սրուն  
 կեանքն առաւել կը սիրէր լեռ, դաշտ  
 և վանական զբաղմունք: Բայց ասկէ ա-  
 ւելի ի՞նչ պիտի ընէիր, Երեսփոխանու-  
 թիւն Հայոց, նախահոգակ հեռատեսու-  
 թեամբ չ'ցանեցիր, որպէս զի ժամանա-  
 կին հնձէիր. առանց շուարման Վանայ  
 փոքրիկ ազարակի մը մէջ ինքնաբոյս Խրիմ-  
 եան մը գտար, վա՛շ, ըսիր ու ընտրեցիր,  
 այդ ինքնաբոյս ծառերուն պտուղ այս-

չափէ, իրաւունք չ'ունիս տրտունջ բառ-  
 նալու:

Երեսփոխանութիւնը զիս անաեւ  
 կարգեց, անշուշտ իւր իրաւունքն է հա-  
 մար պահանջել. տակաւին սրայմանածամ  
 կար, բայց ես կանխեցի իմ համարս տար,  
 մտածելով որ եթէ թողում այլ ևս ժա-  
 մանակ անցնի, առաւել ևս պիտի ծան-  
 բանան յիմ վրայ համարատուութեան  
 պարտիք: Մինչև նոյեմբեր ամսոյ սկիզբը  
 մեր ընտրութեան չորրորդ տարին կը  
 լրանայ, և ես կամայեմ թէ այս շրջա-  
 նին մէջ որ գործեր յառաջ բերեմ ու-  
 թուեմ, որ ինձ և Սահմանադիր Վար-  
 չութեան գոնէ փոքր ի շատե պարծանք  
 լինին և Ազգը յոյսերով սգեւորի:

Վաթսուն-երեք-երրորդ անգամ  
 Երեսփոխանական ժողովոյ գ նախագահե-  
 ցի, ի սկզբան՝ երբ առաջին նիստն կազ-  
 մեցաւ, ատենան բացուեցաւ, ի՞նչ էր  
 նախագաս և կարեոր խնդիրն «ՎԵՐԱՔՆ-  
 ՆՈՒԹԻՒՆ ՍԱՀՄԱՆԱԳՐՈՒԹԵԱՆ»: Ո՛հ, չորս  
 տարուան շրջանի մէջ, այս ամենակարե-  
 ւոր խնդիրը խնդրոց կարգին մէջ անու-  
 ծանելի մնաց. Յանձնաժողովի նախա-  
 պատրաստեալ ծրագիրը մերժուեցաւ,  
 որպէս զի լաւագոյն ևս ծրագրուէր:  
 Քանի մի ամիս յառաջ նոր Վերաքննիչ  
 Յանձնաժողով մի ևս բնորեց Երեսփոխա-  
 նութիւնը, այն ժողովը, ինչպէս որ կը  
 լսեմ, դեռ և ոչ յօդուած մի վերա-  
 բնեց: Այս խնդիրն այսպէս անկատար  
 կայ ու կը մնայ: Երեսփոխանութիւնը այլ  
 ևս ի՞նչ խնդիր լուծեց, Սոց խնդիրը լու-  
 ծեց, այն այս խնդիրը լուծեց մեծ հե-  
 աատեսութեամբ: Հարստահարութեան  
 խնդիրն յուզեց, այն այս խնդիրը մահու-  
 և կենաց խնդիր էր տառապեալ Ազգի մի  
 համար, զոր երկիցս Բ. Դրան յանձնելով  
 շնորհ և գթութիւն հոյցեցինք յանուն  
 Ազգին, և դեռ կսպասեմք այցելութեան  
 կան ուրիշ քանի մի Ընդհանուր ժողովոյ  
 ատենան ելած խնդիրներ, զօր օրինակ

Ատենական կանոնադրութեան խնդիր,  
 կեդրոնացման և Ապա-կեդրոնացման  
 խնդիր: Կաթուղիկոսական և Պատրիար-  
 քական յարաբերութեանց խնդիր: Վեհ,  
 կաթուղիկոսի կանոնակի խնդիր: Այլթա-  
 մարայ կաթուղիկոսութեան խնդիր:

Սոյն խնդիրներէն թէ որն կարեոր  
 էր և որն անկարեոր, որն լուծեցաւ և  
 որն անլոյծ մնաց, ձեզ կը թողում իմաս-  
 տասիրել, թէ արդեօք շահեցաւ, թէ ՚ի  
 դուր վատակեցաւ Երեսփոխանական ա-  
 տենան:

Թողով Երեսփոխանական ժողովոյ  
 գործոց արգիւնքը, պէտք է հարեանցի  
 կերպով նկատենք չորս տարուան շրջանի  
 մ'ջ գտնուած կրօնական և ֆաղաքա-  
 կան ժողովոց, Տեսուչ խորհրդոց, Հս-  
 քաբարձութեանց, մէկ խօսքով հա-  
 մայն Ազգային Վարչութեանց գործքերը  
 և որոշումները: Դիւանական վիճակագ-  
 րութեանն կրնաք տեղեկանալ, թէ այդ  
 խնդիրները և գործքերը ամենամեծ մա-  
 տաւր անհատական և մասնաւոր են:  
 Այսպիսի անթիւ անհատում խնդիրնե-  
 րով միշտ զբաղեցաւ Ազգային Վարչու-  
 թիւնն իւր ամէն ճիւղերով, բաց ՚ի Ընդ-  
 հանուր ժողովէն: Այսչափով գոհ եղաւ  
 և երբէք չ'խելամտեց թէ՛ Սահմանադիր  
 օրինաց առաջ իւր մեծ պարտիքն էր նկա-  
 տել Ազգին կեանքը, Ազգին վիճակը,  
 ընդհանուր խնդիրներ յառաջ բերել,  
 այն խնդիրներու համար է խօսքս, որ  
 Ազգին կեանքը (վերանորոգել կերաշխա-  
 ւորէին: Սոցոք խօսելով, ես ըստ աշս  
 դատել չեմ ուզեր, և չեմ կրնար մեղադ-  
 րել կրօնական և ֆաղաքական ժողովները  
 թէ Ազգին ընդհանուր խնդրոց համար,  
 նոքա ևս ինձի պէս չեն խորհիր և չեն  
 մտաբերեր: Այն, թերևս առաւել քան  
 զիս կզգան ու կը խորհին Ազգին պէտքե-  
 րը, բայց երբ, որ ժամանակին մէջ ձե-  
 ուրնհաս են խորհելու, այդ ժամանակը  
 ինձ համար անձանօթ է. զի խուռն և

բազմադիմի մասնական խնդիրներ յա-  
 փշտակէր են զանի, գիւանին վրայ խըռ-  
 նած թուղթերը, խորհրդարանի՞ դրան  
 վրայ կեցած ճշող ժողովուրդը քեզ երբ  
 ժամանակ կուտան որ դնէ օր մի, պահ  
 մի Ազգին ընդհանուր և ներքին խնդրոց  
 վրայ խորհիս, ինչպէս են

Ա. Ազգային Վարչութիւնն իրապէս  
 կեդրոնական և հանրային դրութեան  
 վերածել, և Կ. Պօլսոյ համար առանձին  
 տեղական վարչութիւն մը կազմել:

Բ. Ազգային պաշտօնէութեան՝ բա-  
 րեխնամ կառավարութեան հետ ունե-  
 ցած յարաբերութիւնն օգտակար դրու-  
 թեան և աւելի օրինաւորութեան վերա-  
 ծել:

Գ. Սահմանադրութեան ընտրող-  
 կան օգտակար սկզբունքը չարաչար չ'գոր-  
 ծածուելու համար՝ ապահով և կարեոր  
 եղանակ որոշել:

Դ. Ազգային տուրքը կանոնաւորել և  
 ընդհանրացնել:

Ե. Ազգային պաշտօնէութեան հա-  
 մարատուութիւնն և համարատուութիւնը  
 պարտաւորիչ եղանակի մէջ դնել:

Զ. Եկեղեցականաց ներկայ անկեր-  
 պարան վիճակն և ընթացքը կերպաւո-  
 րել և կանոնաւորել, համաձայն Հայաս-  
 տանեայ Առաքելական Եկեղեցւոյ նախնի  
 ոգւոյն օրինաց և ուղղութեան:

Է. Առաջնորդական պաշտօնավարու-  
 թեան և համարատուութեան օրինա-  
 ւոր և անխուսափելի եղանակ սահմանել:

Ը. Ազգային վանօրէից և եկեղեցեաց  
 կալուածներն ու եկամուտներն ապահո-  
 վել և Ազգի բարոյական օգտին ծառայե-  
 ցընել:

Թ. Հայաստանեայց Եկեղեցւոյ ան-  
 կախութիւնն հաստատուն պահելու և  
 Բրիտանական ճշմարիտ գիտութեան  
 լըսը Ազգին մէջ ծաւալելու համար ամեն  
 կարեոր միջոցներ ձեռք առնուլ, և ջա-

նալ Ազգին մէջ պատահած կրօնափոխու-  
թեան առաջին առնուլ:

Ժ. Ազգին մէջ սուսմիս և գիտու-  
թիւն ծաւալելու համար նոր և ազգու-  
միջոցներ ձեռք առնուլ:

ՅԱ. Ազգային դաստիարակութեան  
համար դրամագլուխ հաստատել:

ԺԲ. Նախակրթական ուսումնի ընդ-  
հանրացնելու գիւրութիւններ գտնել,  
և քանի մի կեդրոնական բարձրագոյն ու-  
սումնարաններ բանալ:

ԺԳ. Հայոց ազգային ընտանեկան  
կեանքն, այն է՝ ամուսնական և բարոյա-  
կան կապերը ամրապնդել, զեղծումներն  
բառնալ, պանդխտութեան առաջին առ-  
նուլ, և Ազգը մի հանրական ընտանիք  
կազմելու դրութեան վերածել: Ներքին  
և արտաքին հարստահարութիւններն  
բառնալու համար Քարեխնամ Տէրութե-  
նէն աւելի զօրաւոր միջոցներ խնդրել,  
գաղթականութիւնն արգելուլ, ազգային  
անհատական իրաւունքներն պաշտպանել,  
որով և Ազգի ամբողջութիւնն ապահո-  
վել:

Վարչական ընթացից նկատմամբ այն  
համառօտ գիտողութիւններս յայտնելէն  
յետոյ՝ գիտեմ անհամբեր կ'սպասեմ Ե-  
րեսփոխանական ժողովք, որպէս զի փու-  
թամ յայտնել այն կարևոր պատճառներն,  
որք անհրաժեշտ կերպով ստիպեցին զիս  
ինքնակամ յօժարութեամբ հրատարիլ:  
Հեռատեսութեամբ նկատելով որ Ազգին  
չաճ, Եկեղեցւոյ շահ, ժամանակի ծանր  
ծանր պարագաներ, այսպիսի զոճ մի կը  
դահանջեն յինն: Իսահակ նահապետին  
չափ պատրաստ եմ առ այս, միայն կ'ա-  
զաչեմ որ Երեսփոխանական ժողովք իւր  
վճիւր պատրաստէ:

Իմ հրատարակելու առաջին պատճառը  
ձանձրութիւն և յուսահատութիւնն է,  
գործելու համար եկայ, և բան մի չի  
գործեցի, մէկ երկու տարի իբրև ան-  
փորձ հազիւ թէ փոքր ՚ի շատե խելա-  
մուտ եղայ ազգային գործոց և ընթացից:

Ամօթ չեմ համարիր այսպէս խոստալու-  
նիլ. փասն զի Երեսփոխանական իմաս-  
տուն կարծուած անձն իսկ տակաւին կա-  
րօտ է փորձառութեան և գործակից ա-  
ջակցութեան: Յոյն փորձառութեանս  
մէջ ստուգապէս վերահասու եղայ, և կը  
վիպեմ առաջին Ազգին և Երեսփոխանու-  
թեանդ որ Սահմանադրութեան տրա-  
մադրած քանի մի ժողովներն երբէք բա-  
ւական չեն Հայոց Ազգի պէտքերը հո-  
գալ: Մի կրօնական ժողով ունիմք, որուն  
պարտիքն էր ըստ Եկեղեցւոյ օրինաց և  
Սահմանադրութեան Եկեղեցին բարեզար-  
դել, արժանաւոր Եկեղեցականաց դասը  
բազմապատկել, բարեպաշտութիւն և  
կրօնի զրացումն ժողովրդոց սրտի մէջ  
կենդանի պահել, Այս պարտքերը կա-  
տարելու յաջողեցան արդեօք, և թէ  
հարցնէք, պիտի պատասխանեմ. «ոչ, փասն  
զի ժամանակ չ'ունեցայ», Թող թէ Գաւա-  
ռական Եկեղեցւոց համար հոգալ և բա-  
րեկարգութեան օրէնքներ տալ, նոյն իսկ  
Մայրաքաղաքիս երեսուն և երկու Եկե-  
ղեցւոց և այլքան Քահանայից պէտք ե-  
ղած բարեկարգութիւններն հաստատու-  
ելու անձեռնհաս եղած է միշտ, և այս  
դրութեամբ երթալով ոչ մի յժամանակ  
ձեռնհաս պիտի ըլլայ: Սահմանադրու-  
թիւնն անվարձ և անթոշակ Քաղաքական  
ժողով մը տուած է Ազգին համար, որուն  
պարտիքն է Թուրքիոյ երեք միլիոնի մօտ  
ժողովրդոց պէտքերը հոգալ, շաբաթը  
մի անգամ խորհուրդ կազմելով և այն  
հազիւ երեք ժամու տեղովութեամբ:  
Մեր Քաղաքական ժողովոյ վիճակն ան-  
ձամբ և ներկայութեամբ նկատեցի. տե-  
սայ որ այս ժողովը միշտ անձեռնհաս ե-  
ղած է նոյն իսկ դատական և այլ մասնա-  
ւոր խնդիրները լուծել, թող թէ Ազգին  
ընդհանուր ներքին և կենսական խնդիր-  
ները յառաջ բերել և խորհիլ, կ'աղա-  
չեմ, ծանրաբեռնած է այդ ժողովը, վեր-  
ջուցէք իւր թիկանց վրայէն բոլոր Գու-  
ւառական խնդիրները, տեսցուք թէ դա

կարծիք է նոյն իսկ Մայրաքաղաքիս թա-  
ղային գործերը կարգադրել, և ահա այդ  
գործերուն երեսուն է, որ երեկ Հայոց  
Պատրիարքարանը կուոյ տագարէզ դար-  
ձաւ: Իցաւ ամեն ողջամիտ ազգասիրաց:

Այսպէս է նաև միւս Տեսուչ խոր-  
հրդոց վիճակն, որոց գործելու ստպո-  
րէզ միայն Մայրաքաղաքիս շրջանակն է  
ղած է, և միթէ ՚ի Պրուսա և ՚ի Ռոմոնթօ  
երթալու ժամանակ ունի՞ն:

Գիտե՛ երեսփոխանութիւնդ, որ  
Սահմանադրութիւնն աշխատութեանց  
բաժանման սկզբունքն ընդունած է. ուր  
տի վարչական ընթացից գտնէ ըստ մա-  
սին գիւրութիւն մի տալու համար, առ-  
կէ իբր տարի մը յառաջ այս գժուարին  
իրաց պարագաները մի առ մի համոզա-  
կան բանիւ ու արդարացի փաստերով  
Քաղաքական ժողովոյ ատենին ներկայա-  
ցուցի, խնդրելով որ երկու Մասնաժո-  
ղովներ յատկանան. Ժողով մը քեզիս գոր-  
ծոյ, Ժողով մը գաւառական գործոյ: Մեր այս  
պարզ և օրինաւոր խնդիրն այնքան թիւր  
կարծիքներու ենթակայ եղաւ Քաղաքա-  
կան ժողովին առաջ, որ աւելորդ և ան-  
կարևոր դատեց զայն՝ ու շաղթութեան  
առնուլ, և ես խոհականութիւն համա-  
րեցի չ'անգեղ մինչև ժամանակ անցնի և  
փոռձառութիւնը դիրենք համոզէ:

Այն օրէն և այս խնդրէն ծնաւ ան-  
համաձայնութիւն մեր և Քաղաքական  
ժողովին մէջ, և երթալով մեծցաւ այլ և  
այլ առիթներով: Զարմանալ պէտք է,  
թէ այս ամենազարգ խնդրէն կարելի է  
յուսի նպատակ մի հանել և մինչև իսկ  
տեղ թէ՛ հակառակմանադրական է այս  
դրութիւն և այն:

Երբ տեսայ, որ Քաղաքական ժողովն  
այս խնդրոյն շուքէն միշտ կը խրտոյնի, և  
այլ ևս անկարելի է ընդունել տալ, խոր-  
հեցայ հիմնական կերպով այդ խնդրոյն  
լուծումն Ընդհանուր ժողովին բերել  
վերաքննիչ Յանձնաժողովին ձեռք:

Ուստի իբր երկու ամիս յառաջ,  
երբ ինքն պաշտօնական դրով մեր գիտ-  
ղութիւնը խնդրեր էր Սահմանադրու-  
թեան յօդուածոց մասին, յայնժամ  
պատեհ առիթ համարելով այս ամե-  
նակարևոր խնդիրն, իբրև առաջին  
գիտողութիւն, գրեցի և անձամբ մա-  
տուցի Յանձնաժողովին, և շատ համոզիչ  
փաստերով խօսեցայ, բացատրեցի խնդ-  
րոյ բուն ոգին և օգուտ, որ թէ մանուկ  
լսէր, կը համոզուէր:

Բայց ցաւօք սրտի կը յայտնեմ յա-  
տենի Ազգային ժողովոյս, թէ ինչպէս  
Քաղաքական ժողովը, նոյնպէս և վերա-  
քննիչ Յանձնաժողովը նուազ կարևորու-  
թիւն տալով մեր խնդրոյն զայն մասնա-  
ւոր տեղեկագրով Ընդհանուր ժողովոյս  
բերել հարկ չէ համարած, թողով որ  
Սահմանադրութիւնն ամբողջ վերաբըն-  
նուելէն յետոյ Ընդհանուր ժողովոյ գայ,  
Աստ ահա իմ համբերութիւնս հատաւ.  
զի ես չգիտեմ ու չեմ հաւատար թէ այդ  
վերաքննութեան աւարտում որ թուա-  
կանին է, Այս խնդրոյն ոգին լաւ ըմբը-  
նելու համար պէտք է կարգամ Յանձնա-  
ժողովին տուած առաջարկութեանս ճիշդ  
պատճէնը, և ապա դառնամ ու բացատ-  
րեմ երկրորդ պատճառը, որ մեր հրա-  
ժարման փոքր առիթ չէ:

Վսեմաշուք Ատենապետ  
Ազգային Սահմանադրութեան  
վերաքննիչ Յանձնաժողովոյն

Քանի մի օր յառաջ յայտագիր մի  
ընդունեցի վերաքննիչ Յանձնաժողովոյդ  
Ատենէն: որով մեր կարծիքն ու գիտո-  
ղութիւնները կը խնդրէք Սահմանադրու-  
թեան մէջ պարունակեալ վերաքննելի  
յօդուածոց վրայ:

Առ այս ինչպէս բերանացի Ձեր Ա-  
տենին խօսեցայ, առ այժմ միայն խիստ  
հակիրճ բանիւք առաջին գիտողութիւնս  
կը յայտնեմ:

Ազգային Վարչական կազմութիւնը

(բայ յընդհանուր ժողովէն) միշտ անբաւական և անձեռնհասէ համայն թուրքիոյ Հայոց Ազգին խնդիրներն ըստ օրինի և ընթացիկ եղանակաւ լուծելու, թէ օրուան պատահական խնդիրները, թէ ներքին և կենսական գործերը, որք անհատական մասնաւոր անձի մը կամ առանձին գաւառի մը չեն վերաբերիր, այլ բովանդակ Ազգին: Այս Ազգին շահ և յառաջադիմութիւնն այս խնդրոց մէջն է: Այս խնդիրներն իսպառ բարձի թողի եղած են, միայն բերանով կը խօսուին, լրագիրք կը բարոզեն, բայց առանց արդեանց և առանց ձեռնարկութեան մնացած են մինչև ցայսօր, և սորա բուն ներքին պատճառն է վարչական ժողովոց սակաւութիւնը և ժամանակի անձկութեան պայմանը:

Ազգային Սահմանադրութիւնը թուրքիոյ Հայոց իւր առանձին խնդիրները լուծելու համար միայն մի ֆազաբական ժողով, մի կրօնական ժողով և իրենց քանի մը մասնաւոր ճիւղերը հաստատած է: Այս ժողովները շաբաթը միայն երեք ժամ հազիւ կարող են ժողովիլ ժամութիւն և շատ անգամ անցած՝ ատեանը բանալ, խնդրոց կարգը յառաջ բերել և լուծել:

Եթէ կայ կէտ մի, որ Սահմանադրութեան խմբագիր ժողովոյ մտքէն վրիպած է, ահա այս կէտն է. ինձ այնպէս կը թուի որ այդ օրէնքը խմբագրող ժողովը թերևս նկատելով որ Սահմանադրութենէն յառաջ միայն Գերագոյն և Հոգևորական երկու ժողովները կարող եղեր են Ազգը կառավարել, և սորա խնդիրները լուծել, ուստի Գերագոյն ժողովին տեղը՝ ֆազաբական ժողով և Հոգևորականին տեղը՝ կրօնական ժողովը շաւական և շատ համարեր է: Արդեօք չեն մտածեր և չեն կրցեր նախատեսել: Եթէ Սահմանադրութենէն առաջ Հայոց համար տարեկան հազար խնդիր

կար, Սահմանադրութենէն յետոյ երկու հազարի հասաւ, զի խիտ բնական է, երբ ժողովուրդը քուէի իրաւունք ստանայ, երբ Ազգին մէջ պարտուց և իրաւանց սկզբունքն օր ըստ օրէ յարգուի, անշուշտ բազմապատիկ խնդիրներ կը ծրնանին, և այս խնդիրներէն շատ անգամ վէճ և կռիւ, որու հեռանակն եղած է միշտ չարաչար դառնութիւնք վարչական ժողովոց: Թող այս, ոչ միայն Սահմանադրութիւնը Հայոց խնդիրներուն՝ թիւն տասներկու տարուան միջոց բազմապատիկ առաւելուց, այլև ժամանակը, յառաջադիմութիւնը, ամեն օր, ամեն ժամ, և նոյն իսկ վայրկեաններուն մէջ խնդիրներ կը ծնին: Այս ոչ միայն մարդը՝ այլ և Աւետարանին վկայութիւնը կ'ստուգէ թէ՛ վաղեան օր իրեն համար խնդիր ունի, " ոչ դիտես թէ վաղիւն զի՛նչ ծնաներց է ":

Սահմանադրութիւն գծողները ասկէց դուրս ուրիշ վրիպակ մի ևս ունին, մասնաւոր խնդիրները՝ ընդհանուր խնդրոց հետ շփոթեր են, զոր օրինակ՝ բուն Մայրաքաղաքի տեղական գործերը գաւառային և ընդհանուր խնդրոց հետ խառնել են:

Փորձառու ճշմարտութեամբ վերահասու լինելով կը վկայեմ թէ Սահմանադրութեան հաստատած քանի մ'անձուկ ժողովները բաւական չեն իսկ ներկայ դրութեամբ Մայրաքաղաքիս մէջ գլուխուած բնիկ բնակչաց գործերը կարգարել, թող թէ հանուր գաւառականաց: Ստուգապէս խօսելով որ Պօլսոյ համարեա թէ հարիւր հազար Հայ բնակչաց խնդիրները կը հաւասարին երկու մի լիսն գաւառացի Հայոց խնդիրներուն, և կը թողում, չեմ յիշեր թէ ինչպէս շատ անգամ տեղական խնդիրները նախապատուութեամբ և զօրութեամբ կը նուաճեն գաւառացիոց խնդիրները: Այս չփոթութիւնն և այս ընթացքը, մեծ և

ահագին զրկանքներ պատճառած է երկու մասին ևս, թէ՛ մայրաքաղաքիս Հայոց և թէ՛ գաւառականաց, և զարմանալին այն է որ այս զրկանաց վրայ երկու մասն ևս անտարբեր մնալով չեն խելամտեր և գոնէ իրաւացի բողբքներ բանալ:

Ուստի այս խնդրոյն վերաբերեալ յարակից պատճառները որ շատ են, զոյն յատենի ժողովոյդ բերանացի բացատրելով, ներկայ խնդրոյս համար այս եղբակացութիւն կը հանեմք, կամ պէտք է տեղական և գաւառական խնդիրներն իսպառ իրարմէ անջատել և Պօլսո իբրև կեդրոնական գաւառ մի նկատելով Սահմանադրութեան տրամադրած ժողովները հաստատել նախագահ պաշտօնի մը տակ, բուն տեղական գործոց և խնդրոց համար, և կամ նոր պաշտօնէութիւն մի հաստատել, որ շաբաթ մինչև ց'գլուխ շարունակ նիստեր ընելով, ամենօրեայ խնդիրները լիազօր իշխանութեամբ լուծէ: Բայց դարձեալ ազգին կենսական և ընդհանուր խնդրոց համար առանձին ժողով մի պէտք է, որ գոնէ շաբաթ մի անգամ իւր նիստերը շարունակելով Ազգային յառաջադիմութեան ճանապարհները հորդէ ու բանայ, որ շատ և ահագին խնդիրներ ունին:

Ահա, այս է այժմ մեր ամենակարեւոր խնդիրը, զոր այսօր ժողովոյդ ուշադրութեան կը յանձնեմ, և այնչափ վերահաս ծանրացած և անհրաժեշտ խնդիր մի է Ազգին համար, զոր պէտք է ժամ մի յառաջ լուծել, զի Ազգին շահն այս կը պահանջէ. եթէ տակաւին ազգային վարչական ժողովոց այս ընթացքը շարունակուի, ոչինչ յոյս չ'կայ Սահմանադրութենէն, և հետեապէս մեր յուսացած յառաջադիմութիւնը ձեռք չ'բերուի, և տակաւին հեռու կը մնայ Հայոց ժողովրդէն, ոչ գաւառացին իւր մեծամեծ խնդրոց լուծումն պիտի տեսնայ

և ոչ մայրաքաղաքացին իւր անուան և տեղոյն պահանջած յառաջադիմութեան նորանոր արդասիք պիտի կարենայ ցոյց տալ աշխարհի առաջ թէ՛ ինքն Եւրոպիոյ ազգաց դրացի է և իւր պարտքն է քան զամեն գաւառացիս յառաջադիմութեան օրինակ հանդիսանալ: Ո՛րչափ ցաւալի է թաղային կռիւներով զբաղիլ, այդ չնչին խնդիրներով միշտ Պատրիարքարանի ժողովները ճնշել, ոչ ժամ, ոչ ժամանակ թողուլ գաւառական խնդրոց:

Այս ապարդիւն ընթացքը զրկանք է և ոչ պարծանք մայրաքաղաքացի ազգայնոց, զի ինքն է նախածնող մայր Ազգային Սահմանադրութեան, իւր պարտքն է գաւառացւոց համար անխնայ զօհել դրամ և ժամանակ, վասն զի համայն թուրքիոյ գաւառացի Հայերէն իրենք են միայն ուսմամբ և հարստութեամբ ձեռնհաս և ազոտ այն ամեն հարստահարութեանց ազլաներէն, զորս կը կրեն անձարակ ու խեղճ գաւառացիք, լոյս, բարեկարգութիւն, յառաջադիմութիւն և ազատութիւն միշտ Պօլսոյ կեդրոնէն ըստ պատելով:

Եստ սպասեցին, աչքերնին հալեցաւ, յուսահատութիւնը մօտալուտ է, պէտք է ուշադրութիւն տալ գաւառական խնդրոց, և սորա միայնակ միջոցն է գործոց ու խնդրոց բաշխումն և վարչական մեքենային ամենօրեայ շարժումն:

Ազգիս յառաջադիմութեան ցանկացող

11 Յուլիս 1873  
Մայրաքաղաքիս  
Պատրիարքարանի Հայոց Ս. Պարթևոսէ  
Կ. Պօլսո

Յիշեցէք, մի մտնաք երեսփոխանք Հայոց, այն օր, երբ Սահմանադրութեան համար յինէն ուխտ պահանջեցիք. ես այն օր հեռատեսութեամբ նկատեցի, որ անհնար է մեծն Մովսէսի չափ այդ օրինաց տառ ամենաճշտութեամբ պահել այնչափ, որ կիրակի օր ցրտահարութեանէն ստիպեալ խռիւ ժողովոյդ պատուը

քարկոծել տալ. և քուէարկութեան մէջ շփոթութիւն հանող անձինք չորս տարի քուէի իրաւունքէն զրկեալ հրատարակել, ուստի բաւ և շատ համարեցի ուխտել միմիայն Սահմանադրութեան ոգւոյն և անփոփոխելի սկզբանց վրայ. բայց ներկայ Քաղաքական ժողովոյ կազմութեան օր Ատենագալիս Էֆէնտիին չգիտեմ ինչ նկատումով, զիւանական սեղանին վրայ Սահմանադրութեան օրինագիրքը դնելով այսպէս յայտարարեց. « Եկե՛ք է՛ Սահմանադրութեան արամագրած յօդուածները մի առ մի ճշդութեամբ կատարել » Այն օրէն մինչև ց'այսօր այս յայտարարութեամբ վարուեցաւ ժողովը, և ես հնազանդեալով յարդեցի իւր ամեն որոշումները և ստորագրեցի, բայց մերթնդ մերթ միայն դիտողութեամբ յայտնեցի իննամով և զգուշութեամբ 'ի գործ դնել այդ օրէնքը, մինչև ժողովուրդն ընտելանայ, մինչև բուէաթուղթ գրել սորվի, մինչև օրինաց ոգին ճանչնայ, ըմբռնէ, սիրէ ու գրկէ: Երանի թէ Ատենագալիս Էֆէնտիին այդ յայտարարութեան արդիւնքը վայելէր Ազգը. այլ ընդհակառակն օրինաց խտուր և տառական գործադրութենէն հետևեցան այդքան ազմկայոյղ խաւովութիւնք Պօլսոյ թաղերուն և գաւառներու մէջ. թնդ ապա դային վկայ լինի հաղարութ հարիւր եօթամասուն և երեք Յուլիս 31 Հայոց Պատրիարքարանի դժպատեհ գէպքը: Մի թէ կարելի է ընդդէմ գիտակցութեան մեղանչելով այս խօսքերէն թիւր հետևանք մի հանել և առել ուրեմն Պատրիարքն իբրև հսկող օրինաց, իւր պարտիքը չճանաչելով Սահմանադրութեան դէմ կը խօսի և նորա արամագրած օրէնքները ճշդիւ կատարելու փոյթ չունի: Այս դատասանին դէմ այսօր և յաւիտեան կը բողոքեմ. զի իրիմեան յառաջ քան ըզ վաթսուն երրորդ թուականն 1820 Ապրիլ 4 անդամին 'ի մօրէ Սահմանադրու-

թենէն յառաջ, սահմանադրական ծնած է և ցորէի արեւուն լուսով յաշխարհ եկեր է. խիտա դժուարին է դանի իբրև հակասահմանադրական ամբատանել, ևս Սահմանադրութիւնը գրկել կուզեմ, բայց չեմ ուզեր դանի այնչափ ճշգրէտ սեղմել, մինչև գրկիս մէջ 'մեռնի: Ես այնպէս կը համարիմ թէ նորա թերթերը վարդի թերթէն աւելի փոփոխ եմ, խստութեամբ մի շօշափէք, սրատառ պատառ կը լինի: Մանուանդ որչափ սարսուռ կողմ երբ ստիկանու թեան ձեռք կը դրի, այսինքն անխորհուրդ անհեռաւ տես մարդիկ օրինաց դիմահարները զրուակելու համար ստիկանութեան ղէնքը յօգնութիւն կը կանչեն, որոյ վախճանը թէ մինչև ո՞ր կեղերի ձեռք կը թողում խելամուտել:

Ժամ է արդ որ խօսիմ ու բացատրեմ իմ հրաժարման երրորդ պատճառը, այն է Եկեղեցւոյ վիճակ, որ ամենամեծ և կարևորագոյն է այնչափ որչափ Աստուած, իւր Աւետարան ու Եկեղեցին բարձրախորհուրդ են: Ուշ դիք, երեսփոխանք Հայոց, ուշ դիք պաշտօնակից եղբարք իմ, թուրքիոյ Հայոց Եկեղեցւոյն վրայ պիտի խօսիմ որ խոնարհեր, աղքատացեր և նուազեր է յոյժ, թո՛յլ տուք որ հազար երեք հարիւր տարի յառաջ մեր Ս. Խորենացւոյ մրմունջ կրկնեմ աստանօր:

« Արքամ գրեզ Եկեղեցիդ Հայաստանեայց, խրթնացեալ 'ի բարեղարդութենէ բեմին, զրկեալ 'ի քաջ հովուաց և հովուակցաց »:

Քիտէք, երեսփոխանք Հայոց, ես յետին տրուպ և անարժանա այդ Եկեղեցւոյն հսկող հովիւն եմ. Ս. Էջմիածնոյ Վեհափառ Հայրապետին կողմէն փոխանորդ կարգեալ, դուք ձեռքս Սահմանադրութիւն տուիք և պահանջեցիք որ ուխտեմ և հուատարիմ մնամ Սահմանադրութեան, Եթէ զեղծանիմ, զիս Չերքուէով կը դատապարտէք. յառաջ քան

Սահմանադրութիւն Յիտուս ալ իւր Աւետարան ձեռքս տուաւ: Մի թէ այդ մեծ և ահաւոր Աստուածամարգն իրաւունք չունի 'յինէն համար պահանջել, այն, առաւել քան զձեզ, սհ, սհ, սհ, ևս այդ Աւետարանն ձգեցի և այժմ բաժանարար 'պաշտօնեայ մի եմ Պատրիարքարանի դատարանին մէջ նստած, քանի մի գործակից եղբայրներովս: Սահմանադրութիւն անշուշտ Եկեղեցւոյ և Աւետարանի պաշտօնակութիւնը չճանաչող իւր 28րդ յօդուածով իմ գործակից կրօնական ժողովոյ պաշտօնը այսպէս կը սահմանէ.

« Ազգային կրօնական գործոց ընդհանուր տեսչութիւն. իւր պարտաւարութիւնքն են Ազգին մէջ կրօնական ըզդոցու մը զարգացնել. Հայաստանեայց Եկեղեցւոյ գաւառութիւն և աւանդութիւնները անխախտ պահել, Եկեղեցեաց և Եկեղեցականաց բարեկարգութեան հսկել, Եկեղեցականաց ներկայ վիճակ լուցնել և ապագայն անդորրելու և ապահովելու միջոցներն ձեռք բերելու հոգ տանիլ, ազգային վարժարանաց երբեմն երբեմն այցելութիւն ընելով Քրիստոնէական վարդապետութեան ուսուցման վրայ հսկողութիւն ընել, արժանաւոր և բանիբուն վարդապետներ և քահանաներ հասցնել և Ազգին մէջ ծագած կրօնական վեճերը քննելով Եկեղեցւոյ օրինաց համեմատ լուծել »: Խիտա վայելուչ և պատշաճաւոր շարագրած են այս պարտիքները, դնէ, Օրէնսդիր ժողով Հայոց, և ծանր ծանր պարտուց բեռներ բարգեր դիղեր ես իմ և կրօնական ժողովոյ թիկանց վրայ. չ'գիտեմ անգամ մի հարցուցիք, համար պահանջեցիք թէ այս պարտիքներէն ո՞րը կատարեցինք և ո՞րը թողուցինք: Քեզ ցաւօք սրտի դոյժ կուտամ որ այդ յօդուածին վերի ամբողջ պարբերութիւնները Սահմանադրութեան թղթին վրայ մեռած մնացած կն, և միայն

վարի պարբերութիւնը այն է. « Ազգին մէջ ծագած կրօնական վեճերը քննելով որոշուին կուտալք, բայց չէ թէ Եկեղեցւոյ օրինաց համեմատ ըստ Սահմանադրութեան, այլ խղճի օրինօք և երբեմն ևս յաւանդութենէ կամ 'ի սովորութենէ պահուած պայմաններով: Ահ, արդար և անաչառ դատաւոր մի լինելու աստ, և ես քեզ հետ դատաստանի մանկի, Օրէնսդիր ժողով. դու այսչափ մեծամեծ պարտիքներ բաժին հաներ ես ինձ և կրօնական ժողովոյն, երբէք չը յիշեցիր թէ այդ պարտիքներու հետ իրաւունքը անբաժանելի կերպով կապուած է. դու միայն պարտիքներ կը սահմանես, իրաւունքները կը մոռնաս, մի դուցէ այդ պարտիքները կատարելու համար Եկեղեցւոյ պաշտօնակից մեծ շահերու արդիւնքը միարդ եկած է, այսինքն մկրտութեան գրամ, պատարագի գրամ, մեռելի գրամ: Այդ պատուները մեր սակաւակեալ կենաց պարէնն է, մեր կեանք պահող լոկ հացի գինն է. կամ թէ յափըշտակեալ երեակայութեամբ 1800 տարի յառաջ երթալով կարծեցիր որ Աւետարանի արդի պաշտօնեաներն առանց ցայս առանց մախաղի և առանց դօսիին մէջ պահուած պղնձի կարող են Պօլսէն մինչև 'ի Տրապիզոն երթալ և կամ Քրիստոսի դարուն և Առաքելոց նման ամեն բան առանց մամնայի հրաշքով գործել: Ուստի քանի որ այոչափ պարտեաց դէմ իրաւունք սահմանած չես, այդ պարտիքներու կատարման արդիւնքը կարող չես տեսնալ, որոյ իբրև ապացոյց յառաջ կը բերեմ այս իրողութիւնը, որով ես և իմ կրօնական ժողովոյ եղբայրներս շուարած կեցած եմք: Երբ Հայաստանի այլ և այլ շատ գաւառներն և վիճակներն հովիւ կուզեն, հովիւ չկայ. Տիգրանակերտի կուտակալութեան մեծ վիճակ արժանաւոր հովիւ կուզէ, հովիւ չկայ. Եղեւսից վիճակ հովիւ կուզէ, հովիւ չկայ. Խար-



բերդի ճոխ բազմահայ միճակին հովիւ պէտք է, ուր բողբոջականութիւն յառաջ կերթայ, այդ ժողովուրդը Ս. Գրիգորի գաւթին մէջ պահող հովիւ չկայ: Արասկէր հովիւ կուզէ, իւր հովիւը փախաւ. պատճառն իւր իրաւանց ճշգուծիւնն էր: Ահնայ միճակին հովիւ պէտք է, հովիւ չկայ: Չմշկածագի հովիւ ինքնին խոյս տուած է: Եւ դոկիոյ միճակ անհովիւ է և խառնութեանց մէջ կը յուզի: Ամառիս և Վարդուան դարձեալ անհովիւ մնացած կը յուզուին: Երզնկա հովիւ կուզէ, անհովիւ մնաց: Գերձան վաղուց անտի հովիւ կուզէ, հովիւ չկայ: Մուշ հովիւ կուզէ, հովիւ չկայ: Բաղէշ հովիւ կուզէ, զի իւր հովիւ տարագիր եղած է: Վան հովիւ մի ընտրելու համար ահագին կուր բացուած է: Չեմ յիշեր կիլիկիոյ միճակի տարաբաղդ ժողովրդոց անտէրունջ միճակը, որոց համար Սոյս խեղճ կաթմուղիոսը հանապազ գրելով թախանձելով վարդապետ կուզէ, հաղիւ հազ Ունեցի Գաւթի կազ վարդապետ մի գտայ և իրեն զրկեցի, ս'հ:

Ահաւասիկ եկեղեցւոյ միճակ, ահաւասիկ իւր սրտաուռ նկարագիր, երեսփոխանք Հայոց, զոր հարիւրէն մին հազիւ դրեցի, որ ինչպէս զիմ սիրտ և ձեր սիրտ դառնացուց ու ճմլեցուց, թէ դեռ անտարբեր էք: Եթէ այդպէս, ուրեմն վերցուցէք, մի խղճէք վերցուցէք մի անգամայն եկեղեցւոյ պաշտօնեութիւնն, ոչ Հայրապետ, ոչ Պատրիարք, ոչ Եպիսկոպոս, ոչ վարդապետ և ոչ Քահանայ, թող Տէր ինքնին հովիւ է իւր եկեղեցին և ժողովուրդը. դուն ալ հրեական ժողովրդին պէս երեսդ երկինքէն դարձուր և խօսէ այս բանը, « Անտէրունջ չըջեցուք և առ քեզ ոչ եկեղեցուք, ևն. »:

Իսկ եթէ առ այս քու կ'ըսես և կը սրտմտիս, այսպիսի բրեւական հայհոյութիւնք քո սրտէն քո երկիտանքէն և քո բերնէն հեռու չեն, դուն Ս. Գրիգորի

անբիճ հաւատքն ունիս և նորա անկած որդատունին ես, անշուշտ կ'ըսես. ինձ համար մշակ պէտք է, հովիւ պէտք է, եկեղեցի պէտք է, տաճար պէտք է, սեղան պէտք է, քահանայ պէտք է, պատարագ պէտք է, խուճկ պէտք է: Մինչեւ յերբ, մինչև այսօր և փաղ, և 'ի կատարած աշխարհի, քանի որ Քրիստոսեայ ես, հաւատք ունիս և Աւետարան գիրք կըդ է: Եթէ այսպէս, երեսփոխանք ժողովրդեան, ուրեմն արդարութեան կըսով օրէնք սահմանեցէք, կրօնական ժողովոյ պարտեաց հետ իւր իրաւունք հաստատեցէք, և այնուհետեւ եթէ տակաւին նա իւր պարտքերը յանուն եկեղեցւոյ չ'գործադրէ, խտուրթեամբ և դատատանու հաշիւ պահանջեցէք:

Այս խնդիրը կտակ մի է, զոր կը թողում իմ յաջորդին և միայն կ'աղաչեմ զձեզ որ քան զամեն խնդիր առաւել ուշադրութեան առնուք: Մի վարանիր դարմանք դիւրին և քու ձեռքդ է, փասն զի եկեղեցւոյ մեծ մատակարար դուն ես, նորա տաճարին բանալին և գանձը քու ձոցդ և քու հսկողութեանդ տակն է: Մեք այժմ այդ տաճարին վարձուոր և սարուկ մշակներն եմք. եթէ խնաստուն ես, եկեղեցւոյ փառք կը սիրես և կը խորհիս աղետացուցանել Քրիստոսի եկեղեցւոյ սրաշտօնեաները, այդ փառք և շահ դարձեալ քեզ կը վերաբերին:

Ահաւասիկ իմ իրաւացի պատճառներ, երեսփոխանք Հայոց, զորս կ'աղաչեմ բարձր ուշադրութեան առնուք և նոցա խորթ թափանցէք և պիտի տեսնայք թէ խրիմեան ոչ միայն անկեղծ գիտակցութեամբ այլև փորձառական ճշմարտութեամբ գրած է:

Իբրև կտակ կաւանդեմ Ձեզ շուտ և արագ փութացուցէք Վերադարձութիւն Սահմանադրութեան: Սահմանադրութեան իրաւանց և պարտուց հիմնական օրինաց որչափ կարելի է անմիջապէս գործադրու-

թիւն: վարչական կազմութեան մէջ աշխատութեանց բաժանումն, գործադիր իշխանութեան անդամոց միութիւն, և համաձայնութիւն. գիտցէք այդ վարչական մեքենայն առանց այս համեմատութեան չի շարժիր:

Այսչափ և այսքան բաւ է: Ներսիսիս կը խնդրեմ այն ամեն թերութեանց համար, զոր իբրև մարդ սխալական և սպիկար գործած եմ ներողութիւն կը խնդրեմ համայն երեսփոխանական դասէն, ներողութիւն կը խնդրեմ իմ վատակալից կրօնական ժողովոյ Ս. Հարց դատէն, ներողութիւն կը խնդրեմ Քաղաքական ժողովոյ Մեծ. Անդամներէն, ևս զձեզ չամբաստանեցի, այլ դուրսիւնըն ամբաստանեցի, որոյ ուղղութիւնն և փոփոխութիւնն օրէնսդիր ժողովոյն կը պատկանի:

Այլ ևս կը մնայ ինձ օրհնել համայն Հայոց Ազգ և հրաժեշտ մատուցանելով առ երեսփոխանութիւնդ Հայոց՝ Վահանայ Գողթնացւոյն պէս պաղատիլ:

« Արձակեցէք որ տեսնեմ զորչափութիւն աւերածոյ երկրին իմոյ Հայրենեաց, թո՛յլ տուէք այս աթոռէն ելնեմ և հոն նստիմ, թերևս այսու խաղաղութեան օրինակ մի ընծայեմ իմ յաջորդիս, թո՛յլ տուէք, եթէ իբրև Պատրիարք չ'կրցայ՝ իբրև Խրիմեան վարդապետ դործել, թերևս իբրև Խրիմեան՝ կարենամ իբրև Պատրիարք գործել: Երթան բարեալ, Արծուի, ասացէք, դնան գտիր վարագ՝ քու սիրած խուցն ու դրիչ և սակաւիկ մի թանապուր, հոն մենայիր, զի նա խառնեալ՝ փութայ 'ի նաւահանգիստ »:

Ընթերցումէն ետև Նորին Արքայութիւնը պահ մը առանձնանալու և հանգստանալու համար մեկնեցաւ ժողովն:

Միևնոյն միջոցին ժողովն ալ քառորդ մը դադար առաւ, և ժամը 9 ին նորէն Ատեանը բացուեցաւ:

Ատենապետ էֆ. ժողովն ներկայացուց

բազմութիւ ստորագրութեամբ լի երկու ժողովրդական հանրագիր, որք պահ մը առաջ դիւանին տրուած էին, և որոց մէկն՝ Ս. Պատրիարքին դէմ ժամանակէ մը 'ի վեր լարագրաց ոմանց և հասարակութեան մէջ պարտած տարածայնութեանց քննութիւնը կը խնդրէր, և միւսն Քաղաքական և կրօնական ժողովոց մի քանի անդամոց դէմ բողոք մ'էր: Ատենապետ էֆ. կարդաց զանոնք 'ի տեղեկութիւն և եթ ժողովին և յայտարարեց թէ ժողովն ըստ օրինի պարտաւոր չէ բնաւ այսպիսի հանրագրութեանց նպատակին ազդեցութեանը տակ գտնուել և զանոնք իր ընթացքին առաջնորդ բռնել. այլ իր միայնակ պարտքն է, այսպիսի գրութիւններէ լոկ ծանօթութիւն մը առնելէ ետև, արդարութիւնն ու օրէնքը պաշտպանել ազատ միճարտութեամբ, հանդարտ ոգւով և որ և իցէ բարոյական ձեռման երկիւղներն իրմէ հեռացնելով:

ԱՌԱՋԱՐԿՈՒԹԻՒՆ 17 ԵՐԵՍՓՈՒՍԱՆԱՅ

Ատենապետ էֆ. անմիջապէս օրուան խնդիրը ձեռք առնելով, ժողովոյն ներկայացուց 17 երեսփոխանաց կողմէ նոյն պահուն տրուած գրաւոր առաջարկութիւն մը, և կարդաց զայն: Ահաւասիկ պատճէնը.

« Նկատելով որ ընդհանուր ժողովոյս եւ կած հրաժարագրերը պատճառարանեալ են, և հետեւաբար ժողովս դատաւորական կերպաբանքի կը վերածեն, կառավարիչներ որ երկու յանձնաժողով կազմուի. մին՝ հրաժարականներուն պատճառները քննելով՝ մինչև 8 օր տեղեկագրով մը իր քննութեան արդիւնքը ժողովոյս ներկայացնէ. և միւսը՝ մինչև հրաժարականաց խնդրոյն լուծումը Պատրիարքարանի մէջ գործադիր իշխանութեան պաշտօն վարէ: »

3 Օգոստոս 1873

( Ստորագրութիւն )

- ԽՈՐԷՆ ԵՊԻՍԿՈՊՈՍ
- ԱՄԲՐՈՍԻՈՍ ՎԱՐԴԱՊԵՏ ԻՍԿԷՆՏԵՐԵԱՆ
- ՂԵՒՈՆԻ " ՓԻՐՂԱԼԷՄԵԱՆ
- ՆԵՐՍԷՍ " ՍԱՄԱԹԻՈՅ
- ԽՈՐԷՆ ՔԱՀԱՆԱՅ ՓԷՀԼԻՎԱՆԵԱՆ
- Մ. ՄԱՄԻԿՈՆԵԱՆ

- ՅԱՐՈՒԹԻՒՆ Յ. ԹԻՒԼԵԱՆ
- Կ. Ս. ԻԹԻՒՃԵԱՆ
- Օ. ԻՕՃԱՍԱՐԵԱՆ
- Տ. Ս. ՄԱԶԼԸՄԵԱՆ
- ՄԱՆՈՒԿ Ճ. ԱՐԱՊԵԱՆ
- ՊՕՂՈՍ ՃԻԱՃԵԱՆ
- Յ. ԵՆՄԷՆԻՃԵԱՆ
- ԽԱԶԱՏՈՒՐ ՂԱԶԱՐՈՍԵԱՆ
- ՅԱՐՈՒԹԻՒՆ ՄԱՐԳԱՐԵԱՆ
- Տ. Մ. ԷՆՔՍԷՐՃԵԱՆ
- Թ. ԲԱԳՐԱՏՈՒՆԻ

Ատենապետ էֆ. ժողովոյն ուշադրութիւնը կարգացուած առաջարկութեան վրայ հրաւիրելով ծանոց որ այս մասին դիտողութիւն ունեցող Երեսփոխանք պէտք է խօսք առնուն կարգաւ և իրենց կարծիքը յայտնեն :

ՊԵՏԱՆ Թ. ԷՃ. — Խնդիր մը կայ ընդհանուր ժողովոյ ատենան եկած, կամ լաւ ևս երկու խնդիր մէկ մէկու հետ կատարուած, այն է Արազան Պատրիարք Հօր և Վարչութեան Քաղաքական ժողովոյ հրատարականները : Մեր հոս հրաւիրուած ենք մեր կարծիքն առ այս յայտնելու . բայց դիւանը 17 Երեսփոխանաց կողմէ զբաւոր առաջարկութիւն մը ներկայացուած ըլլալը յայտնելով՝ նոյն առաջարկութեան վրայ կը հրաւիրէ մեր ուշադրութիւնը : Կ'ընդունիմ նախ այդ հրաւերին պատասխանել և յետոյ բուն խնդրոյն վրայ խօսիլ :

Առաջարկութեան վերջին մասն՝ որ դործադիր իշխանութիւն վարելու համար յանձնաժողովի մը կարգման կը վերաբերի, բաւական պարզուած չըլլալով՝ չկրնար հասկցուիլ թէ արդեօք այդ յանձնաժողովը բուն իսկ Պատրիարքին և Քաղաքական ժողովոյն պաշտօնը պիտի վարէ . ահա այս կէտն է որ բացատրութեան կարօտ կը գտնեմ : Եթէ դործադիր իշխանութեան Յանձնաժողովը ըսելով կուզեն հասկըցնել թէ Պատրիարքին և Քաղաքական ժողովոյն իշխանութիւնը պիտի վարէ, զայդ ո՞ր ազգային օրէնքէն կ'առնուն . Սահմանադրութեան մէջ չկայ այդպիսի տրամադրութիւն մը, այլ Սահմանադրութիւնն այսպիսի պարագայի մը մէջ՝ երբ Պատրիարք կամ դործադիր իշխանութիւն պաշտօնէ դադարի, թառն ժողովով Տեղապահ մը դնել կը

տրամադրէ, որնոր անվճարակա կը նախագահէ Վարչութեան ժողովոց մէջն և Պատրիարքի ընտրութիւնը : Այս այժմ այս կէտին վրայ ասիէ աւելի խորը մտնել չուզելով կը թողում նոյն ինքն առաջարկուողս՝ որ իրենք բացատրեն, և ես կը գտնեմ Արազան Պատրիարքին և Քաղաքական ժողովին հրատարականաց խնդրոյն, որ ընդհանուր ժողովոյ ներկայացեալ բուն խնդիրն է : Երկու կողմին հրատարակողներն ալ կարդացուեցան . Արազան Պատրիարքն երկարօրէն բացատրեց իւր հրատարական պատճառները, և եթէ լաւ կը յիշեմ, իւր պատճառարանութիւնները գլխաւորապէս սա կէտին կամ եզրակացութեան վրայ աւերակեց թէ ինք չամբաստանէր ոչ Արժանական և ոչ Քաղաքական ժողովներն, այլ կ'ամբաստանէ միայն դրութիւնը : Եւ որովհետեւ իւր դիտողութիւնները Սահմանադրութեան Վարչական դրութեանը վրայ էին, ասից կը հասկըցուի թէ Արազան Պատրիարքին ամբաստանել ուզած դրութիւնը նոյն իսկ ներկայ Սահմանադրութեան դրութիւնն է : Կորին Արազանութիւնը Սահմանադրութիւնն անբաւական դատելով անհրատելի կը համարի փոփոխութիւն մտցնել ներկայ Վարչական դրութեան մէջ, և ազգային դործերն երկու կարգի բաժնելու դրութեան պէտքը կ'առաջարկէ տեղականը դաւառականէն զատելով : Ես այս առաջարկութիւնը վերաբնիչ Յանձնաժողովին ալ ըրի կ'ըսէ . մանուկ ըլլալով կը համոզուէր իմ փաստերէս, և սակայն մերժեց իմ առաջարկութեանս ստիպողականութիւնը :

Իրաւ է թէ Կորին Արազանութիւնն այս առաջարկութիւնը նոյն իսկ ընդհանուր ժողովոյ վստահութեամբը պատուեալ և անկէ ընտրեալ Սահմանադրութեան Վերաբնիչ յանձնաժողովին ալ հաղորդած էր ասիէ առաջ . այս Յանձնաժողովն՝ որոյ անդամներն ինձմէ զատ արժանեաց տէր անձինք են, խորին ուշադրութեան առաւ այս խնդիրը, և տեսնելով թէ ներկային մէջ անկարելի է այսպիսի փոփոխութիւն մը մտցնել առանց Սահմանադրութիւնը հիմնովին վեր ի վայր ընելու, սպառաջիկ համար դործադրելիութեան հաւանականութիւնն զգացուց Արազան Պատրիարքին և խոստացաւ իւր այս առաջարկու-

թիւնը՝ կարգն եկած ժամանակը դարձեալ նկատողութեան առնուլ : Սակայն Արազան Պատրիարքն այն ատեն շարունակեց իմն յայտարարեց Յանձնաժողովոյս ատենանին մէջ թէ պիտի հրատարի : Ըսել կուզեմ թէ Արազան Պատրիարքին այսօրուան հրատարականը նոր չէ, արդէն 2 ամիս առաջ Վերաբնիչ Յանձնաժողովին մէջ ծանուցած էր, և այսօր ալ նոյնը կը կրկնէ թէ իւր առաջարկութեան մերժուելուն համար յաւանադատու կը հրատարի, և ասոր հետ մեկտեղ կերպիւ մը կ'ամբաստանէ զՅանձնաժողովն ըսելով թէ բան մը չկրցաւ դործել մինչև զայսօր, մինչդեռ յանձնաժողովն 3 նիստ միմիայն Կորին Արազանութեան տարածամ պահանջմամբ ըրած առաջարկութեան ստիպողականութիւն չունենալն որոշելու համար գոհեց : Եւ սակայն Յանձնաժողովը Արազան Պատրիարքին պահանջումը մերժելով, չըսաւ թէ իւր առաջարկած երկու մասնաժողովներն այժմէն բնաւ չեն կրնար հաստատուիլ, այլ այդ մասին Վարչութեան ժողովոց հետ խորհեցէք և մէջերնիդ համաձայնեցէք ըսաւ, և եթէ պատասխանատուութիւնը ձեր վրայ առնելով տեղական և դաւառական մասնաժողովներ հաստատեց, ինչպէս հաստատուած էր երբեմն նախորդ Վարչութեան օրով, օրէնքը բնաւ արդէն չըլլար ձեզ : Նկատողութեան արժան է թէ մէկ կողմէ Արազան Պատրիարքն իր առաջարկութեան կարևորութեանն ու ստիպողականութեանը վրայ պնդած ատեն, միւս կողմէ Կրօնական ու Քաղաքական ժողովոց անդամները հակառակը կը պնդէին : Աստի ես իբրև անդամ Վերաբնիչ յանձնաժողովոյ կը յայտարարեմ թէ Յանձնաժողովը բնաւ պատասխանատու չէ Արազան Պատրիարքին հրատարականը :

Այս պահուս ինչի՞հճեան և Ազարէկեան Մ. էֆէնտիներն ընդմիջելով Պէկեան էֆ. ի խօսքը, բողոք կը բառնան խնդրէն շեղելուն համար, և Ատենապետ էֆ. կը պարտաւորի պէտք եղած ազգարարութիւնն ընել յիշեալ Ատենաբանին :

ՊԵՏԱՆ Թ. ԷՃ. — Արողհետեւ Արազան Պատրիարքն ամբաստանեց Վերաբնիչ Յանձնաժողովը, և մանուկը լսէր կը համոզուէր,

ալ ասոր վրայ համբերութիւնս հատաւ և հրատարակեցայ : Ըսելով . հարկ եղաւ ինձ այս յայտարարութիւնն ընել իբրև անդամ Յանձնաժողովոյ :

ՕՏԵԱՆ Գ. ԷՃ. — Կարծեմ թէ Պէկեան էֆէնտիին Վերաբնիչ Յանձնաժողովին կողմէ խօսելու պաշտօն չունի հոս : Վիճարանութեան դրուած կէտը 17 Երեսփոխանաց կողմէ եկած գրաւոր առաջարկութիւնն է, որ երկու մասէ կը բաղկանայ . այսինքն կ'առաջարկուի երկու Յանձնաժողով դնել, մէկը հրատարականաց խնդիրը քննելու և միւսն ամբաստանակեայ դործադիր իշխանութիւն վարելու համար մինչև հրատարականաց խնդրոյն լուծուի : Պէկեան էֆէնտի թողովով բուն վիճարանելի կէտը՝ Արազան Պատրիարքին ատենաբանութիւնը դատափետելու ելաւ . բայց վիճարանութեան սահմանէն դուրս է առ այժմ այդ կէտը, վասն զի ժողովը դեռ չորոշեց անոր վրայ վիճարանիլ : Աստի կը խնդրեմ դիւանէն որ վիճարանութիւնն իւր սահմանէն դուրս չեղել չտայ, որպէս զի պատճառ չըտարուի Երեսփոխանաց մէջ տեղափոխութիւններ յառնելու :

Այս խորհրդածութիւնը կը կրկնեն միանգամայն ուրիշ Երեսփոխանք :

Ատենապետ էֆէնտիին հրաւիրեց երկրորդ անգամ զՊէկեան էֆէնտի շարունակել իւր խօսից թելը, խնդրելով սակայն՝ որ Արազան Պատրիարքին ատենաբանութիւնը խնդրոյ նիւթ չընէ, այլ միայն 17 Երեսփոխանաց առաջարկութեան մասին դիտողութիւն եթէ ունի յառաջ բերէ :

ՊԵՏԱՆ Թ. ԷՃ. — Ես գիւտնէն կանխաւ թոյլատուութիւն ուզեցի և այնպէս բուն խնդրոյն խորը մտայ, և այդ իմ իրաւունքս էր, որովհետեւ ես իբրև Երեսփոխան՝ Արազան Պատրիարքին հրատարականի խնդրոյն վրայ կարծիք յայտնելու եկած եմ : 17 Երեսփոխանաց առաջարկութիւնն երկրորդական է որուն վրայ բուլեարկութիւն կրնայ ըլլալ խնդիրը լուսարանուելէ ետեւ . եթէ ընդմիջուներ պիտի ըլլային, լաւ էր որ կանխաւ թոյլ չտայր ինձ գիւտնը . քանի որ թոյլ տրուեցաւ, պէտք էր որ այս խօսքերն ընէի, որոյ եզրակացութիւնը հոն կը յանդի թէ մէկ կողմէ Արազան Պատրիարքն արդի Վարչական դը-

բուժիչներն անբաւական և անդործադրելի կը համարի, միւս կողմէ քաղաքական ժողովը նոյն դրութեան գործադրելութիւնը կը պընդէ. երկուքին սահմանը մէջ տարբերութիւնը խիստ մեծ է. մին կ'ըսէ թէ այս գրութիւնը չկրնար շարունակուիլ, իսկ միւսն ընդհակառակն կը պնդէ թէ կրնայ շարունակուիլ. և այս անհամաձայնութիւնը մինչև խիստ երկու կողմին ալ հրաժարմանն առիթ տալով խնդիրն այժմ հոս ընդհանուր ժողովոյ ատենն եկած է: Սրբազան Պատրիարքը չէ թէ քաղաքական ժողովն, այլ միայն շարութիւնը կ'ամբաստանեմ, կ'ըսէ իւր տուած բացատրութեանը մէջ, և այս գրութիւնն ալ ներկայ Սահմանադրութեան վարչական գրութիւնն է: իսկ քաղաքական ժողովին հրաժարագիրը ընդհանր ամբաստանութիւն մ'է: Սրբազան Պատրիարքին դէմ, իբր թէ Սահմանադրութեան ըստ անկախի գործադրուելուն արգելք կ'ըլլայ: Միով բանիւ խնդիրը ներկայ վարչական գրութեան գործադրելութեան և անդործադրելութեան վրայ է:

Ահա խնդրոյն վիճակն այս է. Երեսփոխանութեան կը մնայ ընել ինչ որ պէտք է:

**ԻՅՃԱՍԱՐԵԱՆ Օ. ԷՖ.** — Սրբազան Պատրիարքը քանի մը օր առաջ շորս տողով հրատարակած մը զրկած էր Երեսփոխանաց, որուն մէջ իբր սկզբունք սա միայն կ'ըսէր թէ ասկէ ետև իւր պաշտօնավարութիւնն անկարելի է: իսկ այսօր իւր բացատրութեան թրջութովը շատ բաներ խօսեցաւ, ազգին վիճակն ընդհանուր կերպով նկարագրեց, ոչ միայն վերաբնիչ յանձնաժողովն, ոչ միայն կրօնական և քաղաքական ժողովներն, այլ նաև Երեսփոխանութեան և նոյն իսկ ինքզինքն զանգատեցաւ ըսելով թէ ընդհանուր ժողովը դիժքն ընտրելուն մէջ սխալած էր, վասն զի ինք չէ կրցած ազգին իր վրայ դրած յոյսերը պահել:

Ես չգիտի խուզարկեմ Պէկեան էֆէնտիի սիս Սրբազան Պատրիարքին այն խօսքերը՝ զորս վերաբնիչ Յանձնաժողովին նկատմամբ ըսաւ, ոչ ալ գիտի պատասխանեմ քաղաքական ժողովոյ նկատմամբ ըսածներուն. Սրբազան Պատրիարքն ընդհանուր տեսութեամբ ազգին վիճակն պակասեցաւ նուազ մը նմանեցուց: ազգը գիժքը նախախնայ կը ճանաչէր:

բայց ինք կը թողու այժմ նախապետութիւնը. մեք չենք կրնար բնել հոս այդ պաշտօնը քաննելուն պատճառները. նոյնպէս քաղաքական ժողովն որ նախատի պաշտօնը կը վարէր, այն ալ պատճառներ մէջ կը բերէ և կը հրաժարի իր պաշտօնէն. անոր համար 17 Երեսփոխանք՝ որոց մէկն ալ ես եմ, առաջարկեցինք որ իբր դատարար բնենք, ոչ թէ մանրամասնութեանցը միջամտելով այս ժողովին մէջ, այլ քննութեան արգելքին և հետեւանացը վրայ միայն վիճարանելով: Պէկեան էֆէնտի միայն մեր առաջարկութեանն. մասին վրայ գիտողութիւն ընելով՝ յանուն Սահմանադրութեան արգելք յարուցանելու զէ մեր առաջարկութեան այն մասին դէմ, և կ'ըսէ թէ Սահմանադրութեան հակառակ է արտաքոյ Պատրիարքի գործադիր իշխանութեան Յանձնաժողով մը կարգել. այս առարկութիւնը շատ սխալ է, երբէք Սահմանադրութիւնն արգելք չկրնար բլլալ մեր ըրած առաջարկութեան. քանի որ Պատրիարքը և քաղաքական ժողովը, երկուքն ալ միանգամայն հրաժարական տուած են, ըսել է թէ գործադիր իշխանութիւնն չէ մնացած. ո՞վ կրնայ ըսել թէ առանց պաշտօնէութեան մնայ ազգն ու Պատրիարքարանը. հարկաւ գործադիր վարչութիւն մը պէտք է, այն ալ առժամանակեայ և պայմանաւոր, այսինքն՝ մինչև հրաժարականաց խնդրոյն լուծուի, հետևապէս իւր պաշտօնը չէ թէ հիմնական գործեր տեսնել պիտի ըլլայ, այլ միայն այն ընթացիկ գործերն որ իրեն կը դիմեն: Այլ որ կ'ըսէ թէ Սահմանադրութիւնը մեր առաջարկութեանն դէմ արգելք կը յարուցանէ, թող բարեհաճիցայց տալ թէ կա՞յ արդեօք Սահմանադրութեան մէջ այնպիսի յօդուած մ'ալ, որ Պատրիարքարանն անիշխանութեան մէջ դնելու ժառայէ. այդպիսի յօդուած մը չեն կրնար ցուցնել. ուստի ինչ հարկ կայ առարկութիւններով ժամանակ վատնել, որով յանպետ վիճարանութիւնը կ'երկարի և ս'ըքան վիճարանութիւնն երկարի, այնքան աւելորդ և ընդվայրապար մանրամասնութեանց մէջ պիտի թախառնիք. ինձ կը թուի թէ այս մասին վիճարանութիւնն երկարացնելու պէտք մը չունինք, հետևապէս կը պահանջեմ որ ժողովոյն կամքը հարցուի, և եթէ վիճարանութեանը շարունակելու հարկ մը չտեսնէ, անմիջապէս մեր գրաւոր առաջարկութիւնը քրէնտի մեր գրաւոր առաջարկութեան մէջ բերած բոլոր խօսքերուն սա միայն կը յաւելցնեմ թէ ըստ որում Պէկեան էֆէնտի գործադիր իշխանութիւնն ըստ Սահմանադրութեան իրան ժողովոյ կողմէ ընտրուած Տեղապահ մը յանձնել պէտք է ըսաւ, այս խօսքէն կը հետևի թէ Սրբազան Պատրիարքը քաղաքական ժողովն իր պաշտօնէն և թէ Ս. Պատրիարքը պիտի դադարի իր պաշտօնէն, և եթէ դադարի՝ բնականաբար Երեսփոխանաց մէջէն անուան յիշատակութիւնն ալ պիտի վերնայ. եթէ այսպէս պիտի ըլլայ, համարիտ չեմ ըսի: Անոնք ալ բացատրեցին թէ Յանձնաժողովներն մէկը Պատրիարքին և վարչութեան անհամաձայնութիւնը պիտի բնէ, և միւսը՝ Պատրիարքարանի պատահական գործերը պիտի նայի, և թէ Պատրիարքը հրաժարեալ չպիտի հրատարակուի մինչև որ անհամաձայնութեան խնդիրը քննուի. այն տեսնեա ալ ստորագրեցի: իսկ գալով Պէկեան էֆի այն խօսքին, թէ Ս. Պատրիարք չօր գրութիւններն առ վերաբնիչ Յանձնաժողովն արդի վարչական գրութեան փոփոխութեանը և տեղական ու դաւառական անուամբ երկու մասնաժողովոց հաստատութեանը կարևորութեան նկատմամբ մերժուեր են նոյն Յանձնաժողովն, կը պատասխանեմ թէ ես ալ իբրև անդամ Յանձնաժողովոյն ներկայ գտնուելով Սրբազան Պատրիարք Չօր առաջարկութեան վիճարանութեանը միջոցին ես Պէկեան էֆ. ի հակառակը խօսած և ընդունելի դատած եմ Պատրիարքի առաջարկութիւնը, և իմ խօսքերս արձանագրուած են Յանձնաժողովոյն գիտագրութեանց մէջ, դարձեալ հիմա Սրբա-

թիւնը շարունակելու հարկ մը չտեսնէ: անմիջապէս մեր գրաւոր առաջարկութիւնը քրէնտի գրութի վերջանայ:

**ԻՌԹԻՒՃԵԱՆ Կ. ԷՖ.** — Կը ձայնակցիմ Օգոսէն էֆէնտիի ՚ի նպատակ մեր գրաւոր առաջարկութեան մէջ բերած բոլոր խօսքերուն. սա միայն կը յաւելցնեմ թէ ըստ որում Պէկեան էֆէնտի գործադիր իշխանութիւնն ըստ Սահմանադրութեան իրան ժողովոյ կողմէ ընտրուած Տեղապահ մը յանձնել պէտք է ըսաւ, այս խօսքէն կը հետևի թէ Սրբազան Պատրիարքին հրաժարականը պիտի ընդունուի կամ ընդունուած պիտի ենթադրուի, մինչդեռ հրաժարականի խնդիրն ըստ մեր առաջարկութեան անորոշ պիտի մնայ տակաւին:

**Տ. ՂԵՒՈՆԻ ՎՐԻ. ՓԻՐՂԱԼԵՄԵԱՆ.** — Սյն առաջարկութիւնն՝ որ 17 Երեսփոխանք գրաւոր կերպով մատուցին դիւանին, ես ալ ստորագրած եմ, բայց ստորագրելէս առաջ ընկերակցացս հարցուցի թէ առաջարկուած Յանձնաժողովներն ինչ պիտի գործեն և թէ Ս. Պատրիարքը պիտի դադարի իր պաշտօնէն, և եթէ դադարի՝ բնականաբար Երեսփոխանաց մէջէն անուան յիշատակութիւնն ալ պիտի վերնայ. եթէ այսպէս պիտի ըլլայ, համարիտ չեմ ըսի: Անոնք ալ բացատրեցին թէ Յանձնաժողովներն մէկը Պատրիարքին և վարչութեան անհամաձայնութիւնը պիտի բնէ, և միւսը՝ Պատրիարքարանի պատահական գործերը պիտի նայի, և թէ Պատրիարքը հրաժարեալ չպիտի հրատարակուի մինչև որ անհամաձայնութեան խնդիրը քննուի. այն տեսնեա ալ ստորագրեցի: իսկ գալով Պէկեան էֆի այն խօսքին, թէ Ս. Պատրիարք Չօր գրութիւններն առ վերաբնիչ Յանձնաժողովն արդի վարչական գրութեան փոփոխութեանը և տեղական ու դաւառական անուամբ երկու մասնաժողովոց հաստատութեանը կարևորութեան նկատմամբ մերժուեր են նոյն Յանձնաժողովն, կը պատասխանեմ թէ ես ալ իբրև անդամ Յանձնաժողովոյն ներկայ գտնուելով Սրբազան Պատրիարք Չօր առաջարկութեան վիճարանութեանը միջոցին ես Պէկեան էֆ. ի հակառակը խօսած և ընդունելի դատած եմ Պատրիարքի առաջարկութիւնը, և իմ խօսքերս արձանագրուած են Յանձնաժողովոյն գիտագրութեանց մէջ, դարձեալ հիմա Սրբա-

զան Պատրիարք Չօր նոյն առաջարկութեան ընդունելութիւնը կարևոր կը դաւանիմ մանաւանդ վարչութեան այս տագնապալից վիճակին մէջ, ուր թաղային վէճերն ու խռովութիւններն անսպակաս են և ազգային կարևոր գործոց երեսի վրայ մնալուն պատճառ են և զած:

Առանապետ էֆէնտին վերոգրեալ խօսքերուն առթիւ Երեսփոխանաց խնդիրէն դուրս չը շեղելին դարձեալ կը յիշեցնէ խնդրելով որ որչափ կարելի է իրենց խորհրդածութիւնքը համառօտ և ազգու փաստերով առաջ դնելէ ետև առաջարկութիւնին ամփոփեն ՚ի նպատակ կամ ընդդէմ առաջարկութեան 17 Երեսփոխանաց:

**ԻՓԷԿՃԵԱՆ Է. ԷՖ.** — Պէկեան էֆի. իւր ըրած դիտողութեանց մէջ ՚ի կարգի այլոց բանից ըսաւ նաև թէ Սրբազան Պատրիարքը Սահմանադրութեան գրութիւնը կամբաստանէ: Պէտք է խնդրեմ իմ պաշտօնակիցներէս որ այս ժողովին մէջ Սահմանադրութիւնն ըսաւ շարաշար գործածելու սովորութիւննիս ես թողուեք, որպէս զի . . .

Պէկեան էֆ. (ընդմիջելով) — Իմ խօսքերս կայայցէք. ես ըսի թէ Ս. Պատրիարքը գրութիւնը կամբաստանէ և գրութիւնն ըսնելով Սահմանադրութեան վարչական գրութիւնն ըսել կուզէ:

**ԻՓԷԿՃԵԱՆ ԷՖ.** — Եթէ ձեզ հաճելի չեն այս խօսքերս, կրնաք ականջնիք խցել չլսելու համար: Սրբազան Պատրիարքը Սահմանադրութեան դէմ կը դանդաղի կըսեն. Սահմանադրական գրութիւնն Ազգէն բղխեալ իշխանութիւնն ըսել է և ոչ թէ ժառանգական իրաւամբ կամ յԱստուածուստ տուեալ իշխանութիւն: Սրբազան Պատրիարքն զգալի կերպից ցըցուց թէ Սահմանադրութեան չէ թէ հիմնական սկզբունքն, այլ անոր վարչական կազմութեան ձևն ու գործադրութիւնն Ազգին շահերուն համաձայն չեն: Եստ անգամ թէ՛ մասնաւոր խօսակցութեան մէջ և թէ՛ հրապարակաւ ըսած եմ Սրբազան Պատրիարքէն և ինձի հետ շատերն ալ համոզուած են թէ յիշուալ վարչութեան ներկայ վիճակին մէջ ոչ կրօնական ժողովը և ոչ քաղաքական ժողովը Տաճկաստանի հայոց ժողովները չեն կազմեր. այս ըսածս հաստատելու համար բաւական է

Արժանիան և ֆաղաքական ժողովոց մինչև ցայսօր տեսած գործքերը քննել և անոնց արդիւնքը սա դրասեղանին վրայ բերել. այս ըսելովս չեմ ուզեր ամբաստանել ոչ Արժանիան և ոչ Քաղաքական ժողովները, այլ իրաց վիճակը ներկայացնել հուշում. Ուստի քանի որ Արքայան Պատրիարքը կուէ թէ ներկայ վարչական ձևը մոտենալ է, այսինքն՝ Պոլսոյ և դաւառաց գործերն իրարմէ բաժանելու է, այս առաջարկութեան մէջ շատ խոհական և ազդեղն գիտաւորութիւն մը կը տեսնեմ: Քաղաքական ժողովը կամբաստանէ զԱրքայան Պատրիարքն իրր հակասահմանադրական. բայց նա ոչ զըբ ամբաստանեց, այլ միայն վարչական գրութեան ընթացքին գէժ գանգատեցաւ, և ներկայ սահմանադրական դրութեան անգործադրելութիւնը բացատրեց: Ինձ համար Արքայան Պատրիարքը պէտք չէ որ հրաժարական տայ մինչև ներկայ շփոթ ընթացքին բարեկարգութեամբ վախճան մը չը տրուի:

(Երկուրտեա աղմուկ և իրարանցում ժողովրդեան մէջ)

Ատենապետ էֆէնտին ազդու կերպով կը յիշեցնէ նորէն որ ժողովուրդը պէտք է միանալ ունկնդիր ըլլայ և ո՛չ թէ միջամտէ, որ Երեսփոխանք ամենայն ազատութեամբ իրենց խօսքերը ընդհանուր ազգը ներկայացնող պատկառելի ժողովոյն միայն ուղղելու են առանց ականջ կախելու դրսի միջամտութեանց որբնականաբար ապօրինաւոր պէտք են համարուիլ: Է Հանդիսականք, ըսաւ, որչափ որ լուռ և կենան և Երեսփոխանաց վիճարանութիւնը և յարգեն հանդարտ մտօք, այնքան ալ ոչ մի և այն իրենց ամէն մէկուն՝ այլ և այսքան մի և լեօնաւոր ազգայնոց և զրարց կողմէն օրինաւ և որապէս ընտրեալ ներկայացուցիչ ժողովը և յարգած և անոր պատիւը պահպանած պիտի ըլլան:

ԻՓԷՎՃԵԱՆ ԷՖ. (շարունակելով). — Քիչ շատ դատողութիւն ընելու ձեռնհաս վիճակին մէջ գտնուած ըլլալով միշտ տեսած ու լսած եմ թէ յաճախ ամբաստանութիւններ կըլլան պաշտօնական անձանց գէժ. Պատրիարքը կամբաստանէ ժողովները, ժողովներն ալ զՊատրիարքն. այս ամբաստանութիւններն միշտ

կըլլան, մանաւանդ Պատրիարքին գէժ ամբաստանութիւնները շարունակ են: Ինչո՞ւ. — վասն զի չեմ յիշեր որ գէթ միանգամ այս պիտի ամբաստանութեան գէջը ըստ օրինի քննուած և իրաւունքն ո՞ր կողմէն ըլլալը հրատարակուած ըլլայ 'ի գիտութիւն Ազգին: Ուստի դարձեալ կը սնդակմ թէ պէտք է որ Արքայան Պատրիարքն ետ առնու իւր հրաժարականը և իր պաշտօնը շարունակէ. իսկ միւս կողմէն գրաւոր առաջարկութեան այն մասը՝ որ քննիչ Յանձնաժողովի մը կազմութեան կը վերաբերի, ընդունելով ես ալ կը համաձայնիմ թէ քննութիւն մը անցապաղ պէտք է և արդիւնքը հրատարակուելու է 'ի գիտութիւն Ազգին:

(Սոյն միջոցին ժողովրդեան մէջէն մէկը ընդմիջելով մէկ քանի նախատալից խօսքեր արտասանելու միջոցին, անմիջապէս ժողովուրդը զանի իր մէջէն դուրս կը հանէ:

Ատենապետ էֆ. ժողովրդեան այս բարեմասնութիւնը և ցուցցած արգարտիրութիւնն ու դովելի ընթացքը նկատողութեան աննելով 'ի դիմաց ընդհանուր ժողովոյն շնորհակալութիւն կը յայտնէ և կը յորդորէ սոյն վարմունքը շարունակել:)

Եթէ իրաւունքը Քաղաքական ժողովոյ կողմն ալ ըլլայ, պէտք է կըսեմ այս անգամ առանց անուշ տեղը կապելու դրութեանը հետեւելու քննիչ Յանձնաժողով մը դրուի. այս է իմ առաջարկութիւնս:

ՊԷՎԵԱՆ Ք. ԷՖ. — Կը ցաւիմ որ 17 Երեսփոխանաց գրաւոր առաջարկութեան վրայ իմ գրուցած խօսքերս աղէկ չեն հասկցուած. ես առաջարկութիւնը մերժել չուզեցի, եթէ չարաւոր և արդար առաջարկութիւն մը կայ, այն իսկ է. միայն գործադիր Յանձնաժողովի մասին ըսի որ աղէկ պարզուած չէ այն կէտք թէ արդեօք Պատրիարքին և Քաղաքական ժողովին կրկնակի պաշտօնները նոյն Յանձնաժողովին վրայ պիտի կեդրոնանան: Ըսուեցաւ թէ պայմանաւոր է, այսինքն 8 օր պիտի տեէ անոր պաշտօնը. ինձ համար յայտնի չէ որքան կը տեէ, կարելի է գէջը քննել այնպէս բերեն որ փոխանակ 8 օրուան 8 ամիս տեէ. առաջարկութեան այս մասին մէջ մթին կէտեր կան՝ զորս պարզելու համար էր որ հարցուցի և որոշ բացատրութիւն մը չկրնալ անելուս համար կը

պարտաւորիմ նորէն հարցնել թէ Յանձնաժողովը գործադիր իշխանութիւն պիտի վարէ ըսելով ի՞նչ պիտի հասկընանք, ո՞վ պիտի նախագահէ այդ Յանձնաժողովին, Բ. Գրան մատուցուելի թափերն ո՞վ պիտի կնքէ և վաւերացնէ, որովհետեւ գործադիր իշխանութիւն ըսելով ես թափեր գրել կը հասկընամ: Միւս կողմէ Բ. Գրան տեղեկութիւն պիտի տրուի՞ այս մասին, և եթէ տեղեկութիւն տրուելու ըլլայ պիտի ընդունուի՞. ես այնպէս կը կարծեմ թէ Բ. Գրան առանց Պատրիարքի կամ Տեղապահի նախագահութեան գործադիր իշխանութիւն չընդունիր: Ասոնք են ահա ուղադրութեան առնուելիք կէտերը. եթէ ասոնք լուծուին, ինձ համար կնձիւրը կը վերնայ և այն ատեն կրնամ այս առաջարկութեան համար քուէ տալ:

Գալով խի՛կհճան էֆ. ի, որ դժբաղդարար չեղեցաւ արգարութեան և ըսաւ թէ Ս. Պատրիարքին հրաժարականն անմիջապէս ետ առնել տալու և ստիպելու է որ շարունակէ իւր պաշտօնը, այս մասին կարելի է որ մէկ կամ միւսներն ալ ելլեն իրեն գէժ բան թէ չըլլա՞ր այդ, և թէ ի՞նչ իրաւունք է որ Ս. Պատրիարքն իր պաշտօնը շարունակէ և Քաղաքական ժողովը շարունակէ բանի որ երկուքն ալ հրաժարած են և երկուքին ալ հրաժարականը պատճառարանեալ է. այս ալ օրինաւոր գիտողութիւն մ'է կարծեմ, և ասոր համար արդարացի կը գտնեմ 17 Երեսփոխանաց առաջարկութիւնը, թէ որ կարելի ըլլայ լուծել նկատողութեան առած կնձիւս: Թէ որ քանի մը ամիս տեէ գործադիր իշխանութիւն վարող Յանձնաժողովը, ի՞նչպէս պիտի կարենայ թափեր ընել և ո՞վ պիտի կնքէ. ասոնք գիտցուելու են կանխաւ: Եւ եթէ ասորիւրի թէ հիմակու ընէ Արքայան Պատրիարքին նեո բանակցելով թափերն ինք կը ընելու հաւանութիւն առնուի, այս կնձիւն ալ կը լուծուի առանց Բ. Գրան ինայնելու: Նորին Արքայութեան և Քաղաքական ժողովին հրաժարած ըլլալը, ես կը կարծեմ թէ ասով ալ սխալ բայց մէ առնուած կըլլայ: Կարծեմ կրցի միտոս հասկըցնել:

ԽՈՃԱՍԱՐԵԱՆ Օ. ԷՖ. — Մեր առաջարկութեան մէջ նախագահի կէտը բաց թողած է, և շատ ուղադրութեամբ, որովհետեւ

Ս. Պատրիարքին հրաժարականը տակաւին ոչ ընդունուած է և ոչ չընդունուած. Եթէ Ս. Պատրիարքը չպնդելով իր հրաժարականին վրայ թագրիրները կը կնքէ լա՛ւ, չենք կրնար մի կնքեր ըսել. նոյնպէս գործադիր Յանձնաժողով պիտի դնենք Քաղաքական ժողովին գործերը տեսնելու, զուցէ Բ. Գրանը չընդունիր ըսուեցաւ. ինչո՞ւ. մեզի համար ներքին գործեր են ժողովներ դնել վերցնելը: Եթէ Ս. Պատրիարքն այդ Յանձնաժողովին ուրուումներն ստորագրէ, շատ լաւ. թէ որ ինքը չուզէ ստորագրել, իր հրամանաւր փոխանորդ հայրնալ կրնայ ստորագրել. ուրեմն մեզի համար նախագահի դժուարութիւն չկայ, և նախագահի խնդիր չենք կրնար յարուցանել, քանի որ Ս. Պատրիարքին հրաժարականն ընդունած չենք:

Տ. ԱՄԲՐՈՍԻՈՍ Վ. Գ. — Օգտին էֆ. ի խօսքերուն իրրե շարունակութիւնը սա պիտի ըսեմ թէ ժողովն իր անկողնակալութեան և անաշտութեան ապացոյցը պէտք է տայ այս պիտի ալ կոծեալ ժամանակի մը մէջ, երբ 2 հրաժարական գրեր եկած են ժողովոյս գիւտանի վրայ, մին՝ Ս. Պատրիարքին կողմէ և միւսը՝ Քաղաքական ժողովոյ կողմէ: Ոչ մէկն և ոչ միւսն պակասաւոր է չենք կրնար ըսել վասն զի երկուքն ալ սոյն ժողովին առած են իրենց իշխանութիւնը, մէկն իրրե նաւապետ և միւսն իրրե ղեկավար. այլ ես աւելորդ է այս մասին գիտողութիւններ ընել և մանրամասնութեանց մէջ մտնել. մեզի համար Պատրիարքը Պատրիարք է և վարչութիւնն ալ վարչութիւն. բայց որովհետեւ իրարու գէժ գանդատանաց կէտեր մէջ բերած են, խիստ օրինաւոր կըլլայ Յանձնաժողով մը ձեռօք դանդաղատանաց կէտերը քննել և անհամաձայնութիւնը բառնալ: Այս նպատակաւ է 17 Երեսփոխանաց գրաւոր առաջարկութիւնն ալ, որուն իրրե համակարծիք ես ալ ստորագրութիւն դրած եմ: Կը մնայ ժողովոյն՝ որ իւր անկողնակալութեամբ խառն Յանձնաժողով մը ընտրէ և օր առաջ անոր տեղեկագիրը պահանջէ խնդրոյն վերջ տալու համար:

ԱՂԱԲԷՎԵԱՆ Մ. ԷՖ. — 17 Երեսփոխանաց կողմէ առաջարկութիւն մը ներկայացուած է, որ երկու կէտ կը պարունակէ. մին՝ առժամանակեայ վարչութիւն մը հաստատել, և

միւսը՝ Յանձնաժողով մը, որ քննէ Պատրիարքին ու Վարչութեան մէջ ծագած անհամաձայնութեան և անոնց հրաժարման պատճառները: Երկուքն ալ հրաժարականները չենք ընդունած և կրօնք թէ առժամանակեայ Վարչութիւն մը հաստատուի: Ի՞նչ կարելի՞ բան է այս և Նոյնպէս Յանձնաժողով մը դուրս կըսենք հրաժարման պատճառները քննելու: Երկու կողմն ալ իրենց պատճառները մէջ բերած են, որոնց ինչ ըլլալը չու հասկըցայ: ալ ի՞նչ հարկ կայ քննիչ Յանձնաժողովի: Պատրիարք և Վարչութիւն անհամաձայն են իրարու հետ: պատճառը սա է որ այս դրուար Սահմանադրութիւնը Պատրիարքին և Վարչութեան համար միևնոյն չէ: Պատրիարքը մէկ կերպ կըհասկընայ Սահմանադրութիւնը և Վարչութիւնն ուրիշ կերպ: հիմա այս Յանձնաժողովն ո՞ր Սահմանադրութեամբ և ի՞նչ հասկացողութեամբ պիտի քննէ, անհասկանալի խնդիր մ'է այս: Արցախ մեր վիճակին վրայ, և միանգամայն ժողովրդեան վրայ, որ եկեր դարման կապսէ մեզնէ: (բողոք քանի մը Երեսփոխանաց կողմէ, և ծախսարութիւն ժողովրդէն):

Ազարէկեան էֆ. կը բողոքէ ժողովրդային ծախսարութեան դէմ, ըսելով թէ ես ծախսարութիւն ընդունելու համար եկած չեմ հոս, այլ պարտքս կատարելու: (Նորէն ծախսարութիւն և շուկ ժողովրդեան մէջ):

Ատենապետ էֆ. ժողովրդեան ծախսարութիւնը կը զսպէ, և կը հրաւիրէ Աղաբէկեան էֆ. իւր խօսից թեյն առնուլ և ամբողջացնել:

ԱՂԱՔԻԿԵԱՆ Մ. էՖ. — (շարունակելով) Ասացի թէ այդ Յանձնաժողով որ սահմանադրապէս Պատրիարքն ու Վարչութիւնը պիտի դատէ, և իրաւունքն ո՞ր կողմին ըլլալը պիտի հաստատուէ, ո՞ր սահմանադրութեամբ պիտի ընէ իւր դատաստալը. ես Յարիէն աւելի է որ Երեսփոխան եղած եմ, քանի՛ անգամ որ առիթն եկաւ, ասացի թէ այս դրուար Սահմանադրութիւն անյարմար է մեր Ազգի վիճակին: հիմա ալ որ այս դէպքը պատահեցաւ, յարմար առիթ կը համարիմ արդէն շատ անգամ խօսածս նորէն կրկնելու թէ այս Սահմանադրութիւնը չքայէր: ուստի և կառաջարկեմ որ Պատրիարք և Վարչութիւն մնան, հրաժարականներ չընդունուի, և Ընդհանուր ժողովն անմիջապէս այս դրուար Սահմանադրութիւնը փոխելու և միւսը ընդունելու միջոցները որոնելու: Վարչական դրութիւնն ուղիղ ճամբու մը մէջ զննելու միջոցներուն ձեռնարկէ:

ՄԷՐԵՆԻՄ—ԳՈՒԼԻ Յ. էՖ. — Ընդհանուր ժողովոյ ատենին երկու հրաժարագիր ներկայացած է, մէկը Ս. Պատրիարքին և միւսը Քաղաքական ժողովին: բայց ոմանք այնպէս կը նկատեն թէ երկուքն ալ ամբաստանադիր են: Ս. Պատրիարքը հրաժարագիր մը բերաւ, և կտակ մը ըրաւ իւր յանդիման, Սահմանադրութիւնն այս վիճակին մէջ անդործադրելի ըլլալը յառաջ բերելով վերաքննեցիք զայն ըսաւ: Ս. Պատրիարքինը պարզապէս հրաժարագիր է և բնական ամբաստանագրի ձև չունի: մանաւանդ թէ՛ իս ոչ զոչ կ'աբաստուէ՛մ կրօն բացարձակապէս: Իսկ Քաղաքական ժողովը կը հրաժարի ամբաստանելով զՍրբազան Պատրիարքն: Ըսել է թէ հրաժարական մը կայ Սրբազան Պատրիարքին՝ դեռ չընդունուած, և ամբաստանութիւն մը կայ Քաղաքական ժողովին իւր հրաժարականով մէկտեղ: Այս թիւրիմացութիւնն այսպէս ճշդութիւն ետեւ, դաճանալով եղած առաջարկութեանց, ես համակարծիք չեմ քննիչ և վարչական Յանձնաժողովներ կազմելու և խնդիրը ճաշակ վիճակի մը մէջ թողնելու: Ի՞նչ պիտի նշանակէ հրաժարականներն դեռ չընդունուած Պատրիարքի մը և Քաղաքական ժողովի մը մէջտեղ տատանող Վարչական Յանձնաժողով մը: Ըստ իս քառս մը պիտի դառնայ այս վիճակը: Խնդիրն իւր պարզութեան մէջ առնելով կառաջարկեմ որ հրաժարականները կարգաւ քուէի դրուին. նախ և առաջ անոնց վրայ ժողովին որոշումն առնուի և հասկցուի թէ երկուքն ո՞րը պիտի պահսի և ո՞րը պիտի մնայ, Պատրիարքը թէ Քաղաքական ժողովը: եթէ երկուքն ալ հրաժարականը պիտի ընդունուի, այն ատեն պակասմանուն տեղ նոր ընտրութեան գործը կը բացուի և այսպէսով խնդիրն առանց կանձառակու կը լուծուի:

ՄԱՄԻԿՈՆԵԱՆ Մ. էՖ. — Երկու Յանձնաժողով առաջարկուեցաւ. մէկը Սրբազան Պատրիարքին և Քաղաքական ժողովին հրաժարման պատճառները քննելու և միւսն ալ

Պատրիարքարանն անխիստութեան մէջ չդնելու համար: կարծեմ թէ այս խնդրոյն մէջ ասկէ աւելի լուսադոյն տնօրէնութիւն մը չը կրնար ըլլալ: վասն զի Պատրիարքն ոչ հրաժարեցաւ և ոչ չհրաժարեցաւ: ոչ ամբաստանեց և ոչ չամբաստանեց. կարելի է որ ունէր ըսելիք մը, բայց թերևս ազգը չվերջովէլու համար չըսաւ, և հիմա որչափ ալ ստիպենք չը պիտի ետ առնու իւր հրաժարականը մինչև որ իւր ներքին ցաւերը չքժչուին: Ուստի ես ալ 17 Երեսփոխանաց առաջարկութիւնն ստորագրողներէն մին, կը կրկնեմ որ նոյն առաջարկութիւնը քուէի դրուի:

ՊԱՐՆԱՍԵԱՆ Պ. էՖ. — Հրաժարականի խնդիրն ամբաստանութեան հետ կը շփոթեն ոմանք. եթէ այս շփոթութիւնը չվերջայ խնդիրն յուսի չընանի մէջ պիտի լինայ: Նախ և առաջ հրաժարման խնդիրն ուղարկութեան առնելու և ընդունուլը կամ չընդունուլը վճռելու է: Ուստի Յանձնաժողովի կառմութեան խնդիրը մէկ դի զննելով, նախ Պատրիարքին հրաժարականը քուէի դնել կ'առաջարկեմ:

ԱՂԱՔԻԿԵԱՆ Ս. էՖ. — Ընդհանուր ժողովին այսօրուան գումարումը ամենակարևոր խնդրոյ մը համար եղած է, այն է Սրբազան Պատրիարքին հրաժարականը: արդեօք այս հրաժարականը պիտի ընդունուի թէ ոչ, կարծեմ առաջին խորհելիքնիս այս պէտք է ըլլայ: Սակայն սուանց գիտնալու թէ Նորին Սրբազնութիւնն ի՞նչ գիտաւորութեան մէջ է, ոմանք յԵրեսփոխանաց առաջարկութիւն մը բերին, որով 8 օր ետ ձգել կուզեն Սրբազան Պատրիարքի հրաժարման ընդունելութեան կամ ոչ ընդունելութեան խնդիրը: Գարձեալ Արբազան Պատրիարքին հրաժարականէն զատ ուրիշ հրաժարական մ'ալ կայ Քաղաքական ժողովին եկած, որուն մէջ ամբաստանութեան կէտեր կը գտնուին: Իրաւ է թէ ըստ Սահմանադրութեան Պատրիարքին վրայ ամբաստանութիւն ընելու ինչպէս Ազգային Երեսփոխանութիւնն ու կրօնական ժողովը, նոյնպէս և Քաղաքական ժողովն իրաւունք ունի: բայց ամբաստանող ժողովն իր բողոքագիրը պատրաստելով Բ. Գունէն հրաման առնելէ ետեւ Ընդհանուր ժողով պիտի գումարել տայ իւր բողոքին քննութեանը համար:

Քանի որ այսպէս եղած չէ, Քաղաքական ժողովոյ ամբաստանութիւնը մէկդի կը մնայ. ուստի Պատրիարքին դէմ ամբաստանութեան խնդիր չկայ հոս. այլ Պատրիարքին հրաժարականը միայն կայ: Հիմա ես ալ կը վարանիմ Պառնասեան և Մէրեմ—Գուլի էֆինտիներուն և եղբորս Մարկոսէֆի նախի հետ, թէ ի՞նչպէս այն մարմնոյն՝ որ դահին տէրն է և որ 4 տարուան մօտ Պատրիարքութիւն ըրած է, ըսենք թէ դեռ ևս 8 օր պաշտօնիք վրայ կեցիր. չենք գիտեր իւր հաստատ գիտաւորութիւնը թէ գոնէ մէկ օր ևս պիտի կրնայ կենալ. իսկ թէ որ հրաժարմանը վրայ հաստատ կեցած է, մեր ընելիքն ուրիշ բան չէ, բայց եթէ իւր հրաժարականն ընդունելէ ետեւ անմիջապէս Տեղապահ մը կարգել, և այս ալ չէ թէ 8 կամ 10 օրուան գործ է, այլ շատ շատ վաղը կրնայ հաստատուիլ Տեղապահ մը: Ուրեմն ի՞նչ հարկ կայ ստատել, անմիջապէս Պատրիարքի հրաժարման խնդիրը քուէարկելու լինցնելու է: Իսկ միւս առաջարկութեան գալով, նա ալ իր կարգին բացատրութիւններու պէտք ունի. արդեօք քննիչ Յանձնաժողովն 8 օրուան մէջ ի՞նչ պիտի քննէ: Ինչպէս արդէն ըսի, դարձեալ կը կըրկնեմ որ Քաղաքական ժողովոյ ամբաստանութիւնը՝ քննութեան առնուելու վիճակին մէջ չէ ըստ Սահմանադրութեան. եթէ այսպէս, Յանձնաժողովին գործը Պատրիարքը համոզել պիտի ըլլայ, որ իւր պաշտօնը շարունակէ:

Ես իմ առաջարկութիւնս ետ կ'առնում եթէ միւս առաջարկութեան այս մութ կէտերը սրարդուելով կատարելապէս անոր համոզուիմ:

Ուստի խօսքս ափմոխիւրով կ'առաջարկեմ որ կամ Սրբազան Պատրիարքին հրաժարականն անմիջապէս քուէի դրուի, և կամ 17 Երեսփոխանաց առաջարկութիւնն ամենայնպէս կերպիւ պարզուի:

ՊԵՆԵԱՆ Թ. էՖ. — Առաջարկութիւն կըլլայ ոմանց կողմէ Պատրիարքին հրաժարականը քուէի դնելու համար. չենք կրնար ընդունիլ զայդ, որովհետեւ մութի մէջ ենք, բացարձակ հրաժարական չէ այն, պատճառներ կը ցուցնէ, թէ եւ կտակ մ'ալ կրնէ իր յաջորդին, (ընդմիջում քանի մը Երեսփոխանաց կողմէն). ո՛չ, չենք կրնար հրաժարականը քուէի

ուէլի գնել առանց պատճառները քննելու . այս նպատակու քննելի Յանձնաժողով մը պէտք է . ինչպէս 17 Երեսփոխանք գրով ստորագրեցին եւ ես այ կը համաձայնիմ այս մասին : Ըստ եւոյն թէ Քաղաքական ժողովոյ կողմէ անբաւարարութիւն կայ Պատրիարքին դէմ . այո՛ , կայ , բայց պաշտօնական ամբաստանութիւն չէ , այլ անպաշտօնական է . ամբաստանութեան հողի կայ , բայց ամբաստանող չկայ . Սանձնադրութիւնը կըսէ թէ ամբաստանութիւնը կամ Պատրիարքին կողմէն կըլլայ ժողովոց համար , եւ կամ ժողովոց կողմէն կըլլայ Պատրիարքին համար . սակայն ամբաստանութիւն չըրին , ժամն զի չհամարձակեցան . ( սկիզբ մը ծախանարութեան ժողովրդին կողմէն որ անմիջապէս կը դադրի առ ի պատիւ ազգարարութեանց զիւանին ) : եւ ասոր համար խնդիրը կնճապից կերպարանք առաւ , որովհետեւ պարզ հրատարական չէր : Հետեւապէս իբրեւ անհամաձայնութեան խնդիր նկատելով Յանձնաժողով մը գրուիլը կընդունիմ . Ս . Պատրիարքին ու Քաղաքական ժողովին մէջ եղած անհամաձայնութեան պատճառները քննելու եւ տեղեկագրելու համար . իսկ գործադիր իշխանութիւն վարող Յանձնաժողովի առաջարկութիւնը կը հերքեմ , քանի որ այդ Յանձնաժողովը Ս . Պատրիարքին նախագահութեանը տակ պիտի գործէ , ինչպէս ըսաւ Օգոստէն էֆ . ըսել է թէ Քաղաքական ժողովոյ հրատարականը գործնականապէս ընդունած պիտի ըլլանք , իսկ Ս . Պատրիարքինը ոչ , եւ ասով առանց անհամաձայնութեան քննութեան արդեանցը վերահասու ըլլալոյ արդարութեան դէմ գործած պիտի ըլլանք : Ուստի կառավարկեմ որ քննիչ Յանձնաժողով մը կազմուի անհամաձայնութեան պատճառները քննելու համար , եւ գործադիր իշխանութեան պաշտօնը դարձեալ շարունակեն Ս . Պատրիարքն ու Քաղաքական ժողովը միանգամայն , մինչեւ իրենց անհամաձայնութեան քննութիւնն աւարտի :

ՕՏԵԱՆ Ք . էՅ . — 17 Երեսփոխանաց գրաւոր առաջարկութեան Ա . մասը՝ պատճառաբանութեանը մէջ փոփոխութեամբ մը կընդունիմ , իսկ Բ . մասը չեմ ընդունիր : Պատճառաբանութեան մէջ փոխել ուղիւ կտորս է ընդհանուր ժողովը դատաւորի կերպարանք կը զգենու խօսքը : Ոչ Ս . Պատրիարքին հրա-

ժարագիրը , եւ ո՛չ Քաղաքական ժողովոյ անգամաց ոմանց հրատարակիրը , ( ոմանց կըսեմ , որովհետեւ 14 անգամներէն ճը ստորագրած են ) երկուքն ալ ամբաստանութիւն չեն ըսախ : Ս . Պատրիարքն այնպիսի խօսքերով սիր սրտէն կը բղխէին եւ զորս ինձի չափ սրտայոյզ ունինդրութեամբ մտիկ ըրիք , յայտարարեց թէ « ոչ զոք կամբաստանեմ , ինչպէս որ խաղաղութեամբ եկայ Պատրիարքապետի գահը բազմեցոյ , նոյնպէս կուզեմ խաղաղութեամբ ձեռն այս գահը , իմ մենաստանս գահաւալ եւ իմ բանս ու զրիչս նորէն ք ձեռք առնուլ » :

Ըսել է որ Ս . Պատրիարքին տուած հրատարականին մէջ չկայ ամբաստանութիւն մը , իսկ Քաղաքական ժողովոյ հրատարականին մէջ եթէ կայ ամբաստանութեան կէտ մը , այն ալ Սանձնադրութեան գործադրութեանը կը վերաբերի . բայց զանի Ս . Պատրիարքն ինք ալ խոստովանեցաւ . իւր գահակալութեան առջի օրէն Մայր Եկեղեցւոյ մէջ յուխտեցի , ըսաւ , Սանձնադրութիւնը չէ թէ բաւ առ բաւ գործադրել , այլ անոր ողբոյն եւ սկզբանցը հաւատարիմ մնալ , եւ մինչեւ հիմայ իւր ընթացքին մէջ այնպէս վարուած ըլլալն ալ կը յայտնէ . միայն ժամանակէ մը ի վեր Քաղաքական ժողովն աւելի բառական գործադրութիւն պահանջելուն համար անհամաձայնութիւն ծագած ըլլալը կերեւի : Ասոր համար Յանձնաժողով մը գնել պէտք է բայց ոչ թէ ըստ առաջարկութեան 17 Երեսփոխանաց երկու կողմը դատելու համար , որովհետեւ ամբաստանութիւն չըկայ . այլ միայն անհամաձայնութիւն կայ , ասոր համար ցուցուած պատճառներուն կարեւորութեան աստիճանը քննել պէտք է : Սրբազան Պատրիարքը ոչ զոք կ'ամբաստանէ , բայց զըրութիւնը կ'ամբաստանէ . որ զրութիւնը , Սանձնադրական գրութիւնը . այդ զրութեան ո՞ր մասերը : Յայտնի է որ եթէ Ս . Պատրիարքին չընդունածը Սանձնադրութիւնն է , Սանձնադրութիւնը պէտք է մնայ , Պատրիարքը պէտք է իյնայ : Վերջապէս Ընդհանուր ժողովը որոշում մը չտուած պէտք է այս կէտերը լաւ լուսարանիլն : Ասի Յանձնաժողովին պաշտօնը պէտք է ըլլայ , Գալով 17 Երեսփոխանաց գրաւոր առաջարկութեան Բ . մասին , որ է Պատրիարքարանի գործադիր իշխանութիւնը

վարելու համար Յանձնաժողով մը գնել , այդ Յանձնաժողովին բնաւ կարօտութիւն չեմ տեսներ . վասն զի Ս . Պատրիարքը թէ եւ հրատարական տուած , բայց դեռ պաշտօնէն դադրած չէ եւ Տէրութեան ու Ազգին առջեւ տակաւին Պատրիարք է , նոյնպէս է նաեւ Քաղաքական ժողովը . ուստի ասոնք դարձեալ կրնան եւ պարտաւոր իսկ են շարունակել առայժմ իրենց պաշտօնը : Ուստի եզրակացնելով կըսեմ թէ 17 Երեսփոխանաց գրաւոր առաջարկութեան Ա . մասին համակարծիք եմ վերցնելով դատաւորի կերպարանք կը զգենու բաւերը . իսկ Բ . մասը բողոքովն աւելորդ կը դատուի :

ԱՏԵՆԱՊԵՏ ԷՅ . — Որքանից որ քաղաքացիները կը ձայնակցէին Պիկեան էֆ . ին առաջարկութեանը :

Այս միջոցին գրաւոր առաջարկութիւնն ստորագրող երեսփոխանաց կողմէ ալ յայտարարութիւն եղաւ թէ իրենք ալ իրենց առաջարկութեան Բ . մասն ետ առնելով կը համաձայնին Օտեան էֆէնտի սրբազրութեանը :

ԱՏԵՆԱՊԵՏ ԷՅ . — Ըսել է թէ երկու առաջարկութիւն կայ հիմա . մէկն է հրատարականներն ընդունելու կամ չընդունելու խնդիրն ետ ձգել եւ քննիչ Յանձնաժողով մը գնել . իսկ միւսն է հիմակուրնէ հրատարականի խնդիրը քուէի գնել :

Շատ մը ձայներ . — Ա՛յ . այնպէս չէ . մէկ առաջարկութիւն մը կայ , միւսն ալ ետ ձգուեցաւ :

ԱՏԵՆԱՊԵՏ ԷՅ . — Ո՞րն է ետ ձգուածը :

ՄԷՐԵՆԷՄ — ԳՈՒՂԻ Օ . էՅ . — Քանի որ վարչական գործադիր Յանձնաժողովի մասն ետ թողուեցաւ , ես ալ առաջարկութիւնս ետ առնելով կը համաձայնիմ միւս առաջարկութեան . որով մէկ առաջարկութիւն կը մնայ :

ԱՏԵՆԱՊԵՏ ԷՅ . — Շատ լաւ , քանի որ մէկ առաջարկութիւն մը մնաց , եթէ ժողովը պատշաճ դատէ վիճարանութիւնը գոցել , առաջարկութիւնը քուէի պիտի գնեմ , վասն զի ժամանակն ուշ է արդէն եւ խնդիրն ալ , կարծեմ , բաւական պարզեցաւ : Իսկ թէ որ վիճարանութեան շարունակութեանը հարկ տեսնուի , գալ նստին կըմնայ :

Քաղմաթիւ ձայներ . — Քուէ , քուէ :

Տ . ԽՈՐԷՆ ԵՊԻՍԿՈՊՈՍ — Ես խօսք ուղիւ էի . 17 Երեսփոխանաց գրաւոր առաջարկութիւնն ստորագրողներէն մին ես եմ , ես ետ չեմ առած :

Գարձեալ ամէն կողմէն ձայներ . — Գըուէ , քուէ :

ԱՏԵՆԱՊԵՏ ԷՅ . ( Առ Խորէն Սրբազան ) — Գուր արդէն ձեր խօսքին կարգն Օտեան էֆէնտիին տուիք . եւ որովհետեւ քուէ ուղղները կը շատնան , եթէ նորէն ձեզի խօսք տալու ըլլամ , ուրիշներն ալ պիտի ուզեն խօսիլ : Այսու ամենայնիւ Ձեր Սրբազնութիւնը կրնայ խիստ համառօտաբար ձեւացընել իր առաջարկութիւնը որ բնականաբար , հիմակուան խօսքերուն նայելով , 17 Երեսփոխանաց առաջարկութեան որոյ ինք ալ մասնակից է , ամփոփումն ու կրկնուիլը եղած պիտի ըլլայ :

Երրորդ անգամ անհամբեր ձայներ — Քուէ , քուէ :

ԻՓԷՆՃՅԱՆ Է . էՅ . — Ես ալ խօսք ուղղներէն մին եմ , եւ Խորէն Սրբազանէն առաջ կարգն իմն է . անոր խօսելուն արդէնք ըլլալ չեմ ուզեր , բայց կարգի բռնաբարութիւն ալ չեմ ընդունիր :

Ատեանապետ էֆ . տեսնելով որ առաջարկութիւնը քուէի գնելու ձայները կընդհանրապէս եւ հետզհետէ անհամբերութեան կերպարանք կ'առնեն , յայտարարեց թէ վիճարանութիւնը գոցուած է . եւ թէպէտ Խորէն Սրբազանը պահ մը բողոքել արժան դատեց զիւսանին դէմ իրեն խօսք չը արուելուն համար եւ ժողովէն դուրս ելլալու զիտաւորութիւն մ'ալ յայտնեց , բայց անմիջապէս նկատողութեան առնելով նոյն ժամու վիճակին փափկութիւնն ու ծանրութիւնը չուզեց ընդհանրութեան կամքին դէմ շարժիլ , որով վերջէն հաճութիւն տուաւ ինք ալ վիճարանութիւնը գոցուելուն : Ուստի առաջարկութեան ձեւը Օտեան էֆէնտիի սրբազրութեանը համեմատ խմբագրուելով կարգացուեցաւ , որ է հետեւեալը .

« Նկատելով որ Ընդհանուր ժողովոյս եւ կամ հրատարակողները պատճառաբանեալ են , « կ'առաջարկենք որ Յանձնաժողով մը կազմուի « հրատարականներուն պատճառները քննելով « մինչեւ ութն օր տեղեկագրով մը իր քննու-

« Թեան արդիւնքը ժողովոյս ներկայացնելու  
« համար » :

Սոյն առաջարկութիւնը քուէի դրուելով,  
10 քուէի դէմ 55 քուէով ընդունուեցաւ :

Գիւանին առաջարկութեամբ քննիչ Յանձ-  
նաժողովոյ անդամ ընտրուեցան ազգային Ե-  
րեսփոխաններէն ,

Տ. ԽՈՐԷՆ ԱՐՔԵՊԻՍԿՈՊՈՍ

Տ. ՂԵՒՈՆԴ ՎԱՐԳԱՊԵՏ

Տ. ԳԷՈՐԳ ԲԱՀԱՆԱՅ

ՕՏԵԱՆ ԳՐԻԳՈՐ ԷՖԷՆՏԻ

ՏԱՏԵԱՆ ԱՌԱՔԵԼ ՊԷՑ

ԱՂԱԲԷԿԵԱՆ ՍԱՐԳԻՍ ԷՖԷՆՏԻ

Ժողովն այս ընտրութիւնը հաստատելէ  
ետեւ , գիւանին յանձնեց որ Յանձնաժողովոյ

անդամներն իրենց պաշտօնին հրաւիրէ , եւ  
միանգամայն Սրբազան Պատրիարքին եւ Քա-  
ղաքական ժողովոյն ծանուցանէ Ընդհանուր  
ժողովոյն որոշումը :

Յանձնաժողովոյն տրուած 8 օրուան պայ-  
մանաժամը խիստ կարճ երեւնալով շատերուն ,  
առաջարկեցին գիւանին՝ որ յաջորդ նիստը մին-  
չեւ 15 օր երկարաձգուի , եթէ Յանձնաժողո-  
վը չկարենայ իւր պաշտօնը 8 օրուան մէջ ա-  
ւարտել :

Ատեանը գոցուեցաւ ժամը 11 ին ջառորդ  
մնացած :

Արեւադպիր

Արեւադէպ

ՏԻԳՐԱՆ ԵՈՒՍՈՒՖԵԱՆ ԵՄՐՈՒԹԻԿՆ Գ. ՏԱՏԵԱՆ



ԴԻՆ Զ ՂՈՒՐՈՒՇ

ՍԵՓԱԿԱՆՈՒԹԻՒՆ ԱԶԳԱՅԻՆ ԼՏՈՒԿԻՆ

Կը ծախուի ՚ի Դիւ. անատան Պատրիարքարանի, և կը գանուի  
ամեն գրավաճառաց քով և Նկեղեցեաց բանկայնե ըը :